

梧溪集

五

王原吉梧溪集

第五卷

梧溪集卷第五



江陰王逢原吉



士礼成

哀尹伯奇一首寄楊鍊厓又序

鍊厓楊先生嘗錄寄擬古操十且徵同賦逢豈敢當姑
哀尹伯奇一首答之今附其四操其箕山操擬巢父作
曰箕之山兮可畊而樵叶四箕之水兮可飲而游牽牛
何來兮飲吾上流彼以天下讓兮我以之逃叶投世豈
無堯兮應堯之求吾與堯友兮不與堯憂其前旌操擬
衛壽伋作曰爾乘舟兮河水濁且深我同舟兮誓與爾
同沈母有命兮諫不我聽示旌以盜兮我先以旌衛有
國兮國在兄殺兄及我兮我不如無生其履霜操擬尹
伯奇作曰霜鮮鮮兮草芟芟兒有罪兮兒宿野田衣荷
之葉兮葉易穿采葶花以食兮食不下咽天吾父兮天

和沈王

胡有偏我不父順兮父寧不兒憐履晨霜兮泣吾天其
殘形操擬曾子作曰我夢有獸兮其獸曰麕麕有恠兮
身首異而告我以凶兮戒而戒而我丘有首兮誓死完
以歸逢辭曰

比屋可封兮孝微稱重華大孝兮後莫有承孝後母兮伯
奇權輿彼葶荷兮天將用符晨霜涉兮尚俾寧遺軀

擬古二首寄題金陵林氏永思堂

春陽熙熙從侯于淇祿積萬鐘車服是維彼淇有源伊誰
無親負米為養曾不滿豆殮淇水委委霜露塵塵載望故
丘心曷能已 右擬子路作

秋日杲杲有培者棗載見之華及實之老言采于庭於祭
于筐叅也可嗜考也可忘口奉惟薄體愛惟厚庶幾全歸
狐正丘首 右擬曾子作

張氏通波阡表辭有序

張氏宋丞相商英裔也高宗渡南子孫遂居杭之菜市
八世祖某游松愛干山櫻珠灣家焉六世祖八七居士
又自灣遷鳳山陽祥澤雁躬職農畝奉親孝生通倫朴
恬慎事繼母猶所生子遇冬雪埽隙地撒粟以食凍禽
翔集者千數通往來慈烏或有翼而隨者壽九十三生
顯博閱書傳尤精梵典及星曆山經地誌之學攻苦警
澹如父風與儒釋唱和詩偈若干首傳于鄉壽八十四
生俊廣顙豐耳美髯鬚音吐如鐘沙子史學長於刑書
中慈而外剛見善若嗜欲惡則視如仇然鄉閭以其弗
諾為曲直人負不平不之邑而之俊咸稱之曰張片言
尤好施振貧採難鑿義井造義舟建大石梁者三壽七
十生三子愷悌瑤愷生子曰龍曰鳳悌生子曰興曰晔

梧溪王

瑤謙厚長者卹護一方生子曰麒女曰妙齡適盧祥龍
生宗仁宗禮鳳生宗義與生英麒生斌桓麒讀書好禮
以宗譜未脩愍喪亂之餘弥遠弥失乃即祖冢通波之
原徵前進士會稽楊公維禎為阡表復徵逢撰家廟辭
勒之碑陰可謂知所本也夫積善慶澤流行五世迨麒
緒業益脩華聞益著公侯復始於是乎在辭曰

鳳之秀兮維陽盤渦狀兮萃嘉祥田膏壤沃兮物無疵癘
天祕地藏兮鬱吉岡暑寒兮露雨甘有醴兮肥有粃紛
頌白兮降登蘭忻忻兮玉語語雲陰凝兮風淒色怳凍禽
兮下粒食伐石剗木兮以梁以舟民免揭厲兮鱣擾馴安
沉眷門閥兮宋相裔德深植兮善廣藝願無徃兮不復被
服纓袞兮再世其世

荒寒瘁實圖為分湖陸緒端叔題

風卷藿水返壑天同雲兮雪零落彼何人兮斯旅泊樂夫
荒寒寂寞惟寂寞遠躡郭惟荒寒謝朝冠于以終盤桓

濯足小像辭有序

天台陶氏九成宗儀號南村居士明經博學養高雲間
予甚友善嘗為贊騎牛像曰望一男子冠裳清灑有青
其捷騎之林下于時白雲冒嶺黃落被野後則加鞭前
則執鞞雖心乎甯田官而於齊小白為曠世之交雖跡
乎梁進士而於高無賴無半面之雅蓋將德業丘山富
貴土苴尚友飲水上流之樊父度關而遊之老者也欵
今是像復題辭云

水漉漉其流為谷尔濯尔足載捫尔跣兮無朔漠之瘞谷
沈沈其水則淺尔足尔澣載撫尔踵兮無關山之趺維沐
彈冠兮維浴振衣敝屣忍棄兮疇知幾微孺子設作兮滄

浪同歸

審安齋二首有序

顧或孔文扁齋廬曰審安予為賦詩揭坐左右以傲馬
有皎者駒刷朝秣哺置之通衢弗蹶弗瘖子其驅有華者
衣長佩帶垂蒙犯煙墜以垢以緇子其辭噫富貴倘來尚
相夫宜兮

有圭者窬蒿蓬其居風雨攸俱四壁以虛而子晏如有磽
者田勞力其千兵荒無年觀石以眠而子恬然噫貧賤不
遷斯樂夫天兮

知愧吟一首

日吾齋兮書琴夕吾園兮冠衿冬游熱兮春載陰薜絡堦
垣兮菌弼中林孤無弦鏘兮天狼角峯屯泣旅瑣瑣兮楚
音越吟啜醜于鮓兮作麋于鷺吳弗知愧兮猶有蓬心

後宮閒園辭園中雜題附

天工覆兮地工載予宦閒兮臯之大喪亂仍兮婁栽悔才
力耗兮壯志怠霜露氣變陰草木流哀音淵逝賴尾魚野
啄翫毛禽弗嘒以憐兮而慙且吟斯吟慙兮樂哉恒心
有藻兮綠池類雜蘇兮葉華滋彼來摘兮祝施予笔湘
兮祖祚其祠月中天兮夜何其尚日新兮致思右藻德池
蛾眉兮曼睩翠袖兮湘澳有夫君兮配天泪奚必兮
染竹水落兮歲晚予倚石兮茲坂手參差兮長年鳳不回
兮愈遠右懷湘坂

鳥下上兮和鳴花醞醇兮交榮日奄忽兮曾幾花就實
兮鳥鷖鷖鳥鷖鷖兮魚亦有鱗幽草兮嘉藻綠滋
世有殷周兮麥秀黍離墟傷道閔兮鑿者其誰白駒考
槃兮予樹諸私右樂意生香臺

谷之小兮不量駝馬谷之卑兮不樹梧櫟谷之僻兮庸
衆攸舍散木蒼蔚兮亂石甜閒庶全幽貞兮日尚羊其
下右幽貞谷

鏢石兮金流汗與喘兮莫匪馬牛古苔畝青兮岫木擬
脩涼飈沃如兮心神天游天無獨私兮馬牛其休右濯風所
雲結兮歲殘木脫兮草乾天地坳壑兮冰雪互寒閉關
而卧兮莫敢士千莫敢干兮安所守也士之周兮亦可
受也右卧雪窩

中園兮溝斷峙石梁兮入竹坂春雨歇兮綠苔滿樵燧
震兮蒲刺水短忍濯足兮釣言消憂翠碧交飛兮天宇
淨流境則勝兮終不如故丘右流春石

石岩若兮嵌蒼勢迴瞰兮扶桑脫神鞭兮既驅將與延
兮朝光霧縠維朝兮攬熒維夜草春怒長兮陰木翳夏

穹日觀兮東岱邈雲臺兮西華天風冷兮空翠吹下
靈或胥降兮攝衣擬謝金雞鳴兮於焉風駕右海曙岩

激懷三疊有序

柘湖章仁正氏敦善禮士有琴一其陰贊曰淳風雖邈
正聲可招激懷而作太古非遥予嘗擬激懷頽其樓居
前進士錢公思復記之且屬予三疊辭俾弦而歌云辭曰
伊美人兮好脩表嘉名兮茲樓謝璇題兮蘭橈帶疏畦兮
稼疇虹霓飲兮柘津魚鱉安兮橫湫山迤迤兮屏列木翹
秀兮幄周琴一疊兮旭旦神超然兮天游

惟高明兮樓栖惟善良兮德躋充環琳兮啻史速盭躡兮
輪蹄酒介壽兮伯氏古愚穀綢直兮編黎魚影行兮蕩困
雞聲梢兮桃蹊琴再疊兮晝窅豁然呈兮端倪
懷之激兮樓矗本漸義兮澹愆烟千突兮弥繚雨一成兮

柘湖集卷五

菊沃開北海兮碩尊送中散兮遐目龜何曳兮泥尾馬胡
拔兮塵足諒勞生兮焉休庸詠歌兮于勗琴疊三兮斯夕
月八凶兮露肅

懷哲操有序

懷哲美買閭教授敬親愛弟也惟敬愛也不以禍配窮
羈少渝焉構堂名一樂前朝儒公卿頌述備至而琴操
缺遺故予補之云

朝堂兮誦書思君陳兮履絢暮闈兮詠詩思張仲兮履綦
天道兮人事柎鑿兮齟齬茲樂兮蓋難匪人兮天與孝友
哉先哲兮是懷弦琅兮允諧樂安得兮众偕

王吾有其先三世冒何姓吾有復之題復姓卷

昔人滅鄣兮范母適朱君子有不幸兮奚獨是夫王氏鬼
骸兮魂神罔徂餘慶在孫兮克孝克儒吁三世復兮一念孚

李廷重先隴詩有序

李氏世居揚曾大父汝楫墓在江都常樂鄉湯鑿鑿橋之
原大父邵棠附焉大母周遭亂殯平山西金匱之原考
秀成歲同軌鄉仙人溝之上妣王歿於戊申秋七月明
年旅葬吳縣石湖山之北汝楫子五可知者邵棠也邵
棠子二長秀實次秀成秀實子三長壽次瑛次珮壽子
曰達道秀成子四長璧次瑄次瑞次璋璧子五曰恒曰
錫曰剛曰貞曰載瑄子二曰晉曰升璋子二曰益曰謙
璧過予拜泣曰璧不幸荐罹兵變自揚僑于蘇者十年
載倚松者五年既未獲遷母攬旋故立又懇世裔所自
出瑩龜之所在歲遠茫昧且犬馬齒衰晚旦暮委道路
則弟姪散仕四方者無所考徵願有請予聞李氏素富
殷薄有祿位於樽殮飯飢衣寒藥疾義風行一門三葉

迨璧廣問學而敦本復若是乃為序其言貽之詩曰

蓬累齧食兮聖丘墓始封兮識之嗟世季兮累之賢描人
也弗忘兮矧阡有表垂鴻征無方烏訛靡定丘首謂仁受
命斯正世治伊迹天塹匪限宿草駟兔孰云其晚

高客衣寄穎上康氏曹氏伯仲

二麥油淮圻如稠若翟若獐充庶士羞伯也謂何畋須
于秋弋亦匪我優五穀實淮甸如繡若兔若鷓登百職
豆仲也謂何須冬以狩弓亦莫我穀維物有殖維心有惻
馳馬走狗祇益狂癖矧伯仲氏高客衣賡歌月中勸酬
落暉弗詭弗隨樂哉忘歸

壽晚澧一首時耆年作用自勉也

竹石洞左潭水孔晦蠅蟻曳衣薦木旆曜靈西駕始大
輝明風休漪平龜曝魚行天其頃朝降于曠暮睍然飛霞

顏若為駐擁腫櫟樗同一春秋聖貴聞道夷侯是尤維行
維果維德維育言非自文潭實予勛

密室一首

中林有室小僅容膝匪膝是容于心于密異彼馬牛奔豹
歎韁燕坐之頃泰山毫芒毫芒尚無須靜學至渾焉天真
泊然世味聖人同仁否生潘籬非予獨善退藏維時

感衷四首

宋祖受周禪規模邁漢唐濂溪朔道統廬陵應文昌四嶽
氣廓開二南風丕揚斯民躋壽域昆蟲被餘光禮容備毫
髮天用啓浚王奈何至元治首豎金源三

乾坤秉陰陽垂星竅山川岳書肇人文禮樂示徐開宣王霸
迭興夏夷獸紛橫邊琴製自有虞遺響何似綿期風日云
涼及此遂絕弦卓哉元魏高浚世壽比肩

獨立望大荒白日淪照地驕 衆馬驤恍惚流雲駟施之

青絲絡被以黃金纏或空巢北群間有河洛志蓬蒿長益
肥首蕭凋復稀生氣殆消竭何當馬知歸

陸機賦狹斜劉琨詠扶風見笑詎不早卒斃豺虎禁私慕
仲公理兼愛左太冲樂志泊招隱逸思邁雲鴻乾坤亂常

多賢達命固窮由來商顏飢及見咸陽烽

題俞東密六有齋

隱居古善人中歲稅塵鞅座陳五經傳楮揭六有榜儼若
上帝臨於焉岱宗仰所嚙貴循度瞬息戒或匡賓師臯比
擁兒孫蚌珠朗將見一家學鄉術春泱盜世方鶩虛遠俗
復競浮獎不面窺橫渠葦航排風上予嗟清流輩既悼八
厨黨何階名教間浩然獨還往月林函踈彩溪岫臻灑爽
良觀匪後遲夕酒置犧象

素節堂詩有序

素節堂詩為高州劉宏母夫人而作也夫人廉姓思蘭
 名始良人克憲公以父諱道中憲使廕累遷西臺御史
 遭配相望數千里外而夫人自儀真涉大江避地吳下
 時宏甫六歲冰檠自將教宏業詩書吳潘不守宏買田
 海鄉昇夫人就養予舊與宏之先兄判樞交京稔至是
 以通家好邀予過焉堂適成庭梅盛花酒半拜而曰堂
 未名敢請予曰以夫人懿行宜名素節之堂遂書置卷
 首贅之詩云

孤根上春梅下有礫砢石高堂道冠帔徘徊暮雲碧石含
 望夫情梅結晚歲盟冰花影石面箇箇月華清婉愉綵服
 郎昔日錦襦嬰郎筵客庖止借問母姓氏夫是劉西臺祖
 稱廉孟子試看南枝露恰似初源水二紀百劬艱諸孫聯

珮環青駉北徒狩應過玉門關

留別張負外彥升

虞棄百里奚齊賴管夷吾由來楚國材實為晉所需世傳
 魏王寶僅有涇寸珠光照十二乘何益邦家圖客遊東吳
 間行李筆硯俱登高日作賦自比古大夫青々榛棘蠅或
 止几席隅秋蒸露不霜稚子候驪駒少微芒色正中天月
 同衢長嘯謝徐庶士元非鳳雛

題心覺元觀露軒

上人吾鄉人趺坐中竺嶺澹然觀朝露月落萬籟靜豐林
 始如沐萎草蠅以冷石林仰嵌竇餘滴下微影世皆汨塵
 勞天或示短景忘言理獨詣收視妙孰領茂陵和王屑有
 恒鶴知警雲深粥魚鳴孟鉢躬自整

題姚寶甫遷葬事後有序

姚本汴巨室屬靖康之難徙于吳咸復仕顯至有元海
鹽學諭君少即孤家始衰微因贅華亭彭氏實甫其家
子既粗植門閥而先隴歲悠略無聞乃日夕惕厲皇
然汲汲然咨諸姻舊而物色之其延祐甲寅春拉越首
賴玄妙素鍊師指示下九里祖妣周氏墓踰明年於所
廬載獲畫像五恭定甲子尋次餘杭之咸林立地則為
族黨粥四顧榛篠又幸山人施姓質以曾祖承宣公曾
妣劉氏葬所在筮叩古蕩僧舍并得祖保義公之駱函
由是悉遷余山之陰元統初考妣歿遂祔藏焉夫以先
世諸遺靈散滯客土莫之宗依而十數年面回經營乃
安妥於斯迄今四十餘載實甫壽已八表尚懼夾者弗
克遵所志而益惟先隴徃轍之或蹈故著訓俾永戒儆
於乎實甫可謂賢孝也已承宣諱日起保義諱鎔學諭

清溪集

九

諱仁榮實甫名頌號西疇負材猶弗仕子二禎冰咸讀
書兵後予過焉徘徊霜厓風林之下實甫泫然流涕以
紀詠請義不得辭曰序其槩綴以詩曰

郊畝弗射麇野乳猶名肅吁哉孰無生、馬詎無祖周基
肇孔艱大雅莫彈數王風一淪變民俗日些窳梟也前後
巢頤影徒踞、有美西疇翁孝軌克循古先隴曠隔世雙
涕痛零雨蚤夜晚寐興乾坤喟仰俯越水上輕舸咸林艾
藁莽窮搜道、癯仙旁詢得現父遺骸幾孤露寸心百勞苦
一旦暢幽鬱群陰翕和煦歸、四尺墓秩、余北岵劍佩
儼丹青牲羞必劔簋悽其煮蒿達允矣精葵聚爨然既死
灰系延垂絕縷實大聲必瀕氣丞澤斯溥翁用享期頤子
復膺福枯于時多不吊異物走旁午巢焚蘇臺烏凍羈紇
干羽爾松何九、落日予為撫江天雲弥極霜厓石森豎

夢觀間元賓有序

元賓乃丑間御史之母弟也始御史直衛英皇時以父
宣慰公蔭讓累官監杭郡三年報政而中外亂雖累遷
任意泊矣至正丁未秋九月吳藩為

明兵所破故官例徵庸元賓至則歎曰國危身虜尚有
頭戴南冠耶遂經死平生善書詩治蹟多可稱焉詩曰
老存平生懷數夢忠良士大者為列星小者為厲鬼元賓
高昌胄氣幹岳累葬始如月闖門既猶風行水忘言異温
序諒亦思故里陰陽剥西極江漢洵南紀乞憐毛群中拭
目歎死雉在官知苦晚徇國歎曷已鬱、春陵作咄、永
和體琴鶴就淪亡高樓笛誰倚

梵隆羅漢為廣化寺道無二講師題

應真將相姿云何與世遠時命殆齟齬冥栖遂忘返麟洲

水復淺螳磨日弥短花鳥春長年雲山不知晚

題殊一原上人習靜禪房

霽虹跨飛梁二水匯祥澤僧堅菩薩行食衆業修白松陰
地十柯三椽一管席其後茲習靜灰念描立脊肫、雞抱
子鹽、龜存息徐、月中庭湛、天四碧大千入毫髮非
住尚何適自得何可云人胡苦蠅役

送斡山立侍者遠遊

天台接鴈蕩佛髻羅千峯萬石峭立群儼若四果容青蓮
出名藍練瀑懸長松樵漁與農賈雜香仙人蹤子持尺木
枯欲盛百海龍霜降水且落中竺姑過冬冰解羅刹江徑
渡隻影從深雲蕨筍美前嵐巾衲重暮樓忘虎隣曉斷避
螳封諾師導禪學顛老指教宗益母花錦香回首東吳淞
王播會載至慎叩關黎鐘

二烈詩有字

義烏童徽母吳貴字良正同縣儒家女未笄歸徽父師
姑嗜醇酎家固貧必思力致之盡驩沾醉乃已老而
病滯下戍戍配家人悉鼠窟吳獨侍側人呼曰汝不愛
頭乎吳曰吾頭豈不愛姑在妾將何之居無何姑歿瀕
葬會鄰邑兵構變四入殺人收貨財哀孺聲相聞人勸
如前言吳曰姑骸未入土妾就刃下死不悔語畢撫棺
長慟兵義釋之去卒克葬師痰疾每發輒欲絕或丁盛
寒吳躬然松肪伐冰作湯飲久不倦越五年吳卒同郡
宋公濂為誌墓烏傷里賈善妻宗甄金華人性沉嘿寡
言咲事舅姑無違禮奉賈亦甚謹家政一切身之不以
煩賈之因得為善士已亥冬兵駐蘭溪賈携嬰避入浦
易城寶山中鄉無賴乘時肆掠俄突至勢且迫嬰懼侵

吳橋溪集五

十一

已擲銀於地復給曰我有珠若干藏近所乃脫身走
投絕碣以死明年郡守王宗顯表墓立傳云徽一日奉
予書一通連誌傳二且曰徽娶宋氏女庸乞詩文併垂
將來予惟微辭情懇至遂如其請詩曰

風柔春月輝幾人百兩婦麗譙傳清漏芳園帶香闌魚
藻波泳燕杏梁飛綵情秦養樂轉睇莫露晞深山故家
女釵荆澹衣苧姑病躬致漿兵臨命輕羽貞珉表今守遺
墓式過旅洞溪爽氣合金發耿光吐奢洪母足嗤名節千
世儀旌樹根裔壤本性移輒萎當階將離花為他媚韶姿
二烈歌道遠奚翅規質絲

牡丹盛花日記斬利安松管言賀丞相惟一春帖詩
有一門生二相獨樹散千花蓋牡丹也酒間遂述一首
東風不成寒輕雲澹晴陰露朵曉殊重天香午弥深落花

大盈尺唐玄獨盲心過思賀相第父老小車臨

讀杭宋俞文蔚吹劍錄一事有感有序

括蒼梁民懷首倡民兵捍禦方臘有功郡縣議上聞民
懷不肯既得子名安世年十九登科民懷以壽卒鄉先
生江朝宗挽曰四郊多戰壘一郡少儒家氣槩劍三尺
義方書五車野無人白骨門有子青綯陰德看桃李無
言春自華安世字次張官至司農丞廣西漕予竊感江
陰東八鄉得免兵禍者無一以壬辰冬一以丙申秋此
人所共知出於予言已略見周侍御梧溪集序又祕書
卿貢公題楊提學梧溪子小傳後云梧下忘年友兵間
著義名片言回楚稜千里系周正奴返前州牧金薛巨
室甥猶聞多士感蘇學與常城蓋補書遺事罕有聞者
今揚錄民懷序後非以安世望子而家全胤餘身老海

上用自憫幸焉耳詩曰

酒熟臘中水鼓梅春海深池臺萃幽勝泳飛自魚禽偶觀
吹劍錄遂賦懷梁吟大功不受賞清瑟有遺音相如漢名
儒蜀檄甚秦金嶸嵐節雲間乘梓餘蕭森千載一魯連金
齊歸海濤

趙善長山水

畫師今趙原東吳諒無雙寸毫九鼎重烏獲力靡扛翠樹
擁羽旂深掩敬雲凶叅差見壘學不無酒盈缸老山石黃
色插脚琉璃江隱若赤壁壘勢眩曾魏邦何當柔猛虎蛟
魚遂我降欠伸列仙厓噓咳魚蠻缸

曹雲西山水

世治多福人時危多貴人貴人乃鬼朴福人真天民緬憶曹雲
西生死太平辰高秋下孤鶴想見芙蓉風神苑露梅間幽水

石濱梁打南里船角墊林宗巾往訪趙松雪滿載九峰春
酒名斯面作何年援筆為嘅呻池廢餘野鷄井潦搖青蘋
奉覽龍井倡和什為犧南仲上人題有後序

竺源龍象國齋州鳳麟死千齡始彙應匪惟晉陶遠繼杭
萃秀靈梅柳並清婉湖飲六綵虹磬殷疊翠嶽悠然冰飛
外餅錫蓮軒冕藻章媿蘇黃泉思湧然辯間舍棘林香勝
味御廚雋遺珠信僧寶了不見兵燹蒼寒境四索手之忍
釋卷藤花墜來深松巢白雲偃

右鄧匪石虞道園工司業俞觀光先輩與澄湛堂無極
元濟天岸若季衡四法師及匪石子衍同遊龍井倡
之什後和者張晉公仲舉時為布衣未起實出山村仇
先生門徐則芝石虛谷方先生弟子也劉師魯則鄰王
後月心先生之子頤仁甫陳守中王性存並石塘胡先

首卷集五

三

生之門人予聞之前進士錢塘錢思復云因附見焉俾
來者知當時朝野人物之盛蓋不減蘇黃衆辯諸公追
從之樂也夫湖山自吳越迨宋元數百年形勝今鞠為
墟莽緇素文墨淪棄何暇曦尚寶是卷哉曦湛堂曾孫喬
信州靈山開雲菴鍊師言石丈峯甚軒特曰獻之謠

靈山七十峰石丈墜中外吐納日月華傲兀風雨晦瑤草春長
髮蒼松寒蟠蓋無時丁甲朝空翠鏘劍珮師還茨其下引
領增爽既倒影一壁陰魚鳥並驚潰今茲天悔禍請為玉
敵懷東岫西青城相望孰與大坐今丫頭岩辟易狐媚態
靜坐林屋餘清洞有懷旭元明長老郭梅岩尊師

老惟一切澹所恬靜觀獨團蒲躬夏携就石坐幽綵衝荷
魚拱立入草雉馴伏雨露詎予私物二幾並育鶴回緹山
鴛肅禁東林足高踪何當借及蹤藜筍熟

題陳子章先世所居剡源九曲畱後有序

陳氏為奉化著姓粵自初祖崇在季唐使吳越遭中國
亂就吳越奉化尉卜居剡源鄉鄉介剡縣東距奉化二
舍群山夾嵩溪嵩高發源大雷岩谷中一曲曰六詔王右
軍嘗宅是晉徵之凡六遺廟石研尚存二曲黃沙水合
奉化子文雅以潛學稱吳越忠懿王枉駕頌之地曰名
蹕駐後文雅仕宋至殿中監三曲分兩湖厓壁翠峭林
壑繡錯有石幙頭狀而淵潭靚湜魚巨細畢見孺小盤
谷焉曰坑石恠狀不一穴而深者井若窪而露者曰若
此四曲也五曲循蓮葉峰峙三大石溪澣既三峰挿雲
一石室可坐數十百人其上字二曰丹霞殆類朱書中
關洞尤冥窈莫測識即雲笈七籤所云丹霞赤水之天
者下乃文簡公顯故第六曲茅渚則奉化公始築之所

七曲會于班溪八曲至于高嶼于雪竇于公崇公崇者
由孫興公植崇而名於是九曲盡矣溪與山綿迤北東
百餘里直抵鄞江其佳隴廡田入陳氏十五六陳歷廿
世四百年族莫衍四方實唐相夷行後至今昆仍多才
德若朴其一也朴文簡六世孫祖祕監著負直節賈似
道忌之遂弗仕伯父深沆洽與父必並仕元儒學官詎
非山川所鍾造德澤所深厚而得蕃且久耶朴字子章
於逢家友善遭世運屯婦畊顛沮回道地理家世特詳
俾序詠畱後以據孝秉云耳詩曰

慶門日滋德後昆代承儒匪惟守成緒將以宏前模三辰
迭晦韜群雄相剪屠始甘蛭居井中駭矢脫弧矧復喪亂
綿常與憂患俱葵葉衛本根鳥悲戀故都東風幾變柳落
景尋照榆青山在二佳白雲悠二孤金石保遺體詩書傳

阿符予交二十霜情誼骨肉喻思釀栗里秫各馱松江菰
載拜剡源畝重為吾道吁

覽安東俞郎中詞翰為其子鏗鑑題

軒二吾故人不見十餘載雖無田園歸而有篇翰在長星
篲朔野鉅水王淮海杖策投青齋郎署旦惟待華亭唳鶴
遠終焉同一嘍草春還萋三雲午亦靄二雙駒幽林下迴
露五花采何必山公託孝行鑒真宰

寄題歐陽文公所撰前侍御史周公伯琦曾妣方氏
宋封安人元贈鄱陽縣君墓道碑銘有序

方氏浮梁素封之家也縣君性夙慧通書記女紅皆不
習而能既笄擇對遂歸番易周進士灼克奉舅姑謹宗
事嚴饋職進士以文聲多致賓客好治具用或不繼縣
君每質貸應須嘉定中進士年卅六貢于鄉尋卒縣君

浮梁縣志

卷五

三十餘一子生五周星一女又少其兄二齡進士之父
迪功府君尚在而老哭子無復理家事踰七年卒先疇
幾何不為其強宗所年歿縣君清儉勤苦堅自卓立恒
躬機織子女飢啼則下機乳之訖又織如初暑寒蚤暮
治生不輟歷卅餘年搏積贏羨教子娶婦且治其女婦
歲歉穀踊視已所儲可以苟及即綢價并制其多寡咸
使沾飫里人德焉子虛立志問學以才氣自奮年壯連
舉明經為時巨公所推敬淳祐丙午免解遇明堂恩封
母安人咸淳甲戌登進士第明年為德祐改元宋事已
亟天兵圍饒守臣唐公震偕江文忠公萬里城守縣君
母子入保郡城俄疾卒壽八十三倉卒不得棺文忠雅
善屋贈美楨又奠哭之如母治命母用金玉斂饒陷環
城墓皆蔽獨縣君殯無恙至元二十三年春徙殯浮梁

之湖曰鳳池山至正辛巳以授經郎階六品曾孫伯琦
請于朝上特寵之乃以孫集賢待制應極五品秩推恩
追封番易縣君是年翰林學士歐陽玄銘其墓道碑曰
縣君歿年宋已殆揆厥初生迄聖代其間一百五十載
有形斯世靡不壞所不能壞節與概周氏不絕慈如帶
一婦人力俾昌大蟬聯簪纓至未艾祖父齋志日益邁
惟尔曾孫富脩能天光下燭朗幽優造物章善不可蓋
太史勒銘紀其最一言以救曰有待至是吳城破後時
公致仕五年矣將盡室歸番也以書連歐公所誌徵詩
且曰幸附梧溪集傳焉逢竊嘗感公贊先子庫使家訓
母氏李賢行微以致報今承茲命義何敢辭敬叙而詩曰
嘗觀龐岳表西江月同耿茲讀鳳山碑番湖天與永夫人
夙秀慧猶玉絜珠同瑟琴弥和樂枕席遽孤冷訓光儒登
第奉姑孝稱境勤二寒機梭媛二露甃綆駿二鬢雲變斜
日篋吊影壽終殞吉壤了不見兵梗姜嫄昌有姬宜尔後
彫炳恩榮兩朝被捺行百世景曾孫古端公五載謝朝請
金湯夢震惺松檟思悲哽吳藩隳久戰愁遺由天幸尚荷
揚洲靈婦鯢鯨風靜

同楊道孚孫大年孫林景遊龍江寺觀宋家法華碑
潭泉滌煩悃風涼洒締服閒持長柄塵步繞東林竹密含
松蔦清迴帶川苔綠蓮華古石座昔者踞白足義天日月
朗法席龍象蹴烈士漢沈光異事碑陰錄渙然茲冰釋
矣父媧縮同鄉厭辟地庶以縱遊曠

尋李景元醉眠亭故基既觀米元章所書塔碑

落葉風日暮驚鴻關河夕聊托高世情獨訪先賢跡涓
張翰酒脩二阮屐還念辟地勿授詩慰孤宗

題方德玉提舉先隴瑞芝卷有序

德玉名廷瑾其先本河南人以武入官扈高宗渡江遂
家臨安至六世祖茂榮昭慶軍承宣使生椿年榮州防
禦使生待舉恩州團練使生好問殿前都指揮使判太
醫局生中廣東提刑亦判醫生壽孫仕元廣平路醫學
教授咸墓龍井山之方山其地負金鍾靈石粹淑氣實
萃焉至正二十三年夏四月芝一本產指揮墓厲莫勉
為誌廷瑾廣平子也由世業累遷江浙醫學提舉過予
客樓有請曰序而詩曰

嶮嶮金鍾山迤靡靈石原七世二百稔一夕芝秀繁恒心
暢條葉武德培本根華滋承珠灑暖艷迎丹暎高廕山上
松菊映石間蕙泉闢久深閱玉氣逾清溫盛事紀里儒嘉
祥萃雲孫李陵誦闕疏單師蹂戎蕃敗降族致夷實階秦

蘇深卷五

將門水樓動反照風蒲翳漁村京觀方樓然靖言思岐軒
斯民續命脉萬古春乾坤

寄贈盧宜興希文名僧孺祖淇河南叅政父景盤陽
總管對摯翰林待制

昆侖秀磅礴厥產皆玉璧孔林植材幹後凋貴松柏盧侯
澶淵英氣節金礦敵累還義與守百里涵春澤郵魯聲教
被荆楚風俗易中更國務殷募壯親破賊謂士辰蛟潭日
激碧隱二帶乘表後來二溧沸具區先盪激寸地街犬牙
四傾心獨赤夙駕放衙叅露香對紫極蕭條土著戶效死
仍勦力復覩司隸章遂謝廷尉客野馬飛空旣水鶴巢荒
宅解后傷亂離慷慨數向昔妙年直中書天威遠咫尺花
明太液平月朗未央夕鞘鳴慶雲擁鶯歌清漏滴后皇不
愛寶海若咸率職大父與對父竹帛映翰墨籍甚先府君

八郡殊蹟一門萃忠孝三世遺清白塞予晚交好盡室
匡谷僻跡忝王君公夢遠劉玄德依：尚方劍戀：陶侃
覽時當天心回餅酒思對歷馮唐元晚遇賈誼曾前席熙
陽釋馮寒梅柳各有色顛言副深期再舉扶搖翼

讀余季女懷其夫水宗道詩有序

予友賴良言鄉人余季女台州臨海儒家息也有容德
善屬文當元盛時贅同郡水宗道甫踰月水具見余才
邁柳絮學不彼若輒醉歸閉門讀書久不返余取次裁
九章招之水卒不聽及余病且死水夢余訣別曰某委
蛻矣子盍送我既計至今存五章其首章曰妾誰怨兮
薄命一氣孔神兮化生若甌春山娟兮秋水淨秉貞潔
兮妾之性聊復歌兮遣興二章曰夜夢兮食梨命靈氣
兮與予占之曰行道兮遲三章曰歛角枕兮祭如風動帷兮

梧溪集五

心而悲三章曰雲黯二兮雪飛棘夫子介兮如石苦復
留兮不得望平原兮太息涕泗橫兮沾臆四章曰送子
去兮春樹青望子來兮秋樹零樹有枝兮枝有英我胡
為兮榮三子在此兮山城五章曰織女兮牛郎豈謂化
兮為參商欲徑度兮河無梁霜露侵襲兮病偃在林嗟
嗟夫子兮誰與縫裳良以余生而泐敏不得於夫死而
心聲託宣於世不亦幸乎回如良請系以詩曰

鳴鳥常兮飛雌鳩無匹居牛女相永望何但人間殊郎情
澹琴瑟郎志敦詩書期攬日月光下照薄命軀雲衢諒高
遠霜露歲忽除思細逢掖衣數振將迎珺豈謂朱陳邈乃
至秦越如庭芳栖熠燿堦苔上蟻喻疾缺大丹起神隨清
漏徂九章極擬騷猶蛸蛸塵區鄙哉白頭吟文園激若初
團扇秋信美長信燈同孤睽合數繫天不繫才與愚稟枯

苟富貴同穴義毋渝

沈一中為修秋堂風露琴先寄八句期過窳間園館

一日焦尾脫十年孤鳳音忻遭運斤手妙得斷輪心溪館
茗烟薄石床蘿月深携之肯枉過側耳陽春音

贈雲外道者靈保治中有序

予過吳江同里洞真觀黃碧岩丹房會雲外道者曰木
真氏名靈保字佑之嘗為鎮南王長史統騎兵五百人
征汝蔡妖黨以功聞賜金幣上尊陞司馬至正十六年
三月長鎗軍帥大小張鑑叛據揚州王退駐淮安時憲
使楮不花拒寇趙負城胡陳寨首鼠兩間靈保說胡誘
獲趙人畜千百計既飢軍民相食數求老張平章援不
為應漢將王命間道走京師告危急狀大臣嘉授濟南
略治中議督諸部救十月城陷不花抗敵死王被執逾
月不屈死其借水死焉靈保得王凶問由海趨浙遂寄
跡老氏蓋數年矣與之交旬日意氣殆欲相從於閩風
之上者因壯其前高其後序而詩曰

菲衣麻履今道者元是親玉右司馬雪尾羔羊蒸韮肥金
盞露酒明河馮主畫才優彤邸間督戰功收霍丘下濟南
別駕本選授警欲勤五膏草野先時張監叛揚州孤軍退
在籌邊樓老張平章擁精銳間道蠟書躬遠投近郊雖順
等狼子千里橫亘長淮鱒鵠形伎志牛後執龍種音既逐鷓
夷浮中脊血淚霽雲鏃落景荒寒影悽獨去燕留吳百
朧胸蘇甚又復遊麋鹿三萬頃湖七十峯一錦一蓬娛老
足胎禽將雛桐白華遇我黃石仙翁家蕊珠真經口暗誦
滿月澹暈天東霞來者玩迅電往者歎逝水撥拾安期生
更拉握佳子閩風共揖長爪姑試問蓬萊清淺還有幾

覽不幽嶺巡檢史公官誥為其十世孫女懿題有序

公諱**表**鄭州良家子也勇而善騎射初川陝宣撫覆置使司試守進義副尉會金人深入遂補職成關監輒以能聞川陝不守公隨師單外擢下班祇應紹興二年都肄著勞改進義校尉高宗駐蹕臨安徵扈駕遷進武校尉劉況起草竊公計伏大黃殪所乘馬將跡捕之調役淮西至則陷堅櫻銳率先士伍累陞敦武郎特選儼儉民胥熾暴掠公引老乞自效朝廷由是出為湖州安吉縣幽嶺巡檢凡數年蕪澤政修夜戶至不閉乾道三年冬十一月郊祀大赦以恩父宥贈忠訓郎未幾卒子姓遂家焉後八世孫**壯**富饒始徙松生文德讀書好義子翔女即懿配張守中予友也詩曰

諸生張雷忽我造恭至十世外祖誥且云母氏徽紀述風

來如哀竹如譟一身是膽心匪粗角弓二石丈二爰掄材庸落假五百注視鹿柵空千夫陝氣障日川溢野隨師單外與瑣舍殿前微扈南渡龍草間掩殺橫行馬金人喻淮數櫻銳駭短宵長言輒涕甫析幽嶺長扈蹙竟臥寒雲斂獮臂君不見安吉山開天兩目坐直龍驤劍光燭梨花編白薤葉青杜鵑弗為英魂哭夏畦馬醫馬鬼有祭幾多德不稱位昆無續我招以歌酬以卮魂久屈蟻伸維時於平女孫亦是輝門楣女孫亦是廣孝思

題鳳山時思寺寧無為講師所藏嘉定己巳曆後

前朝統天曆一本寧師裝潢藏益謹陵墟社屋垂百年恩澤在人元末浪當時君臣苟安計士馬遠馳略無氣讜言幸斥佞宵黨儒林爭覩文公謚牢落乾坤又此時衣冠不競曷勝悲春頌鳳紀難再得此筆龍池馬秋色

海陵袁智周佩刀歌有序

智周字濟道善醫世為丁溪鹵戶至正間父不受戶甲
非辱死智誓復讐陰佩刀伺間便凡六年甲被人所害
既就宥有司禁持兵者刀棄之邦溝其終天鉅痛則無時
釋焉儒先爭信以文予作佩刀歌云

鹵豪煮海地沸蒸忽報孝子蒼天崩被髮誓雲雨若應言
金一片陰凝冰六年泣血絳雪凝悲風淒淒常夜與妖狐
戴髀鬼物馮含沙射干左右肱陸阻習坎渡阻淵歎歌獨
漉氣填膺刀亦汝知龍拔騰神鋒寒芒鐔威稜仰孺彼
蒼奚普斯須間隙不可乘坐令骨立枯佳藤墓廬青
冷松明燈矧有母老髮鬢破涕為笑躬豆登無何仇家
死棘矜臭肉獸飲蚋与蠅天其假手俾世懲人生五倫首
父子復讐義昭春秋禮見遺刑書著諸史宗元議之垂千



祀倒行逆施伍員恥舞陽吉羽同轍軌老涉遲鈍幼越倍
同關時命非偶尔嗟卿避兵家轉從事往行存宜繕紀餘
醞花香鯉搖尾懼然鶴行過客邸欲言復吞髮颯耳擗
猶嬰慕焉已酒酣問刀首如七忍婦武庫投邦水一收烟
消淨霜蒂電光霍無時起安得河伯以鑄授烈士來丹
積寬從一洒來丹出列子

哀張生處道有序

淮人陷松生時營祿養于杭還省不可得行泣道左適某帥
成嘉興即馬下跪白故帥納焉從次茶院夜遇罷兵害

松江二月吹淮塵彷徨道泣高堂親側身以婦或得計赤
眉曾全蔡順志託生寄死將軍義龍兵卒臨孝子焚一
現效墓群雄鬪長蛇羊棗墮實萱鏹芽風驚雨啼白脰
鴟世羅亂殃子無獨嗟

申之水三章題季子廟有序

廟在申港大阜上。去阜二十餘步。有田二畝。名池子區。相傳呂舍人花園也。呂氏宋末官閣門舍人。方治園時。夜夢神人告曰。吾季子也。汝將鑿池處。吾寔葬焉。汝能止鑿。吾令汝世之富貴。不然。將絕汝世。呂不之信。明鑿池。及土深。見巨首。圍五尺許。始驚焉。亟移瘞。今廟後已而。呂氏貧喪。果無後。地主王明老嘗紀以詩。至正戊子。歲予躬謁廟。下曰。感其事。為賦。申之水三章。用追弔云。申之水黃涿。上流孔湜言。薦君子城。過百雉。地千里。高視雲霄。同弊屣。至德餘風。振墮靡。嗚呼。歿也。諒若休惡。威威。觸艘。延陵露白。黍載秋。申之水涿。黃言載薦之采。殯盈裳。昔者奉使聘。上國腰下寒。芒劍三尺心。許徐君終。不易嗚呼歿也。諒速朽。骸體胡為有。羸博草萋。燐夜走。

梧溪集卷五

十一

題邢三姑廟

祖龍之世。邢三姑事蹟。缺載。鬼董狐相傳。有功。澱山湖百媪。勳。百春。鍾當先。驅至今。雕擁映。銅鋪祈祥。弭患無日。無我嘗。舴艋駕。眇軀。逝風。迺禱。輒感。孚。幾年。思報。仁。欲殊身。寢。衰。病。詩。澁。枯。茲。夕。天。倒。白。玉。壺。初。月。迥。朗。長。庚。孤。蒼。蒼。澹。烟。歛。平。蕪。冰。夷。水。仙。率。啓。途。異。芬。醇。七。掠。鷗。淑。妙。音。殷。々。來。鸞。嚮。桂。衣。絳。緣。彷彿。見。采。旄。桂。旗。惚。恍。俱。若。將。有意。遺。佩。珠。脩。焉。而。臨。儻。尔。徂。坡。陀。爾。入。一。僂。巫。亦。望。文。士。如。韓。蘇。二。公。湘。廬。神。匪。誣。私。恨。不。至。吳。東。隅。永。池。盜。摸。金。鴈。鳧。馳。道。海。齒。餘。窪。浦。長。城。陰。靈。夜。哭。天。毛。女。來。客。猶。避。

趨祭哉三姑應星湏啖芝四皓隱德符四皓一出名漢都
孰愈萬祀澤誕敷題與造化長為徒

贈李隱居廷重

李隱居生不願揚州鶴老不願傳舍魚鳳凰崦西丈室廬
完儲厚酒盤嘉蔬小宗避亂忍陳祭義方教兒猶買書畊
存寸田藥在籠杖策古道攻為琚長林送籟虎跡遠澹雲
涵澗鷗巢虛柰何獨游搖落餘李隱居小寒大雪歲且除
鶯辰好伺山人車山人亦與世久疏

完括清卿宣慰寄玉佩環環後被盜追述一首

古人佩玉不去體涵養性情非事靡粟蠶名義本衣食雲
霞象文藻鑑德將軍寄來玉三色金源大臣曾寶惜紫茸
荀覆双狡狴宣斷露爪相狎嬉黃狴下視威若怒青狴仆
仰如知懼夷風流習制度疏匠氏矜能毛髮具我加帶束

梅溪五

卅三

躬采薪兒童笑倒父老嗔鵬螭盤繡珠飾巾鵠背宮靴方
稱珍君不見王魚殉葬亦歸盜歌詩永識將軍好

唐昭儀李漸榮辭

日繫包桑地瓜剖宮闈去尺非唐有庭春草合車斷音忝
備昭儀奉卮酒御香紫袖纖垂手載拜載祝南山壽龍須
席展蓮炬移狼角斬天豨突牖不辭墮命同君后女三禍
前妾忠後無人為語巢賊奴莫使兒知環柱走

宋婉容王氏辭有引

徽宗北入四太子請王婉容妻粘罕子上遣之大哭曰
何忍一身事兩主就輿中奩刀刎死太子歎異擇地葬
立碑曰貞婦冢事載括蒼俞文豹吹劍錄

二宮有警無年蹕今妾徒為虜雖匹假如青冢向黃昏不
若金刀昭白日血濡一縷頭隨終煙沙漫霜雪容令人

想見旌貞石氣敵雙高湖上峯

覽曹架閣祖平章畫像父河中府君死蹟有序

平章諱立大同懷仁縣人材器剛方獲侍武宗潛邸既
國族不靖北征有功帝即位授浙省左丞歷三塗中丞
中書平章宣政院使薨府君諱觀起身中書直舍內藏
使臺莫浮梁知州會徽寇入浮梁率義壯巷戰死詔贈
中順大夫河中府知府爵譙國郡伯架閣名莊自中外
亂野處餘二十年至是宴予別業奉平章畫像府君死
蹟拜請文予嘉莊孝謹且聞客有木員外言天曆初東
南饑重臣恬樂燕安民獨羅訴平章馬首大散廩賑之
併錄而系以詩曰

前朝衛霍許史門如市如沸今荒村老夫散跡江海上目
豁心快平章孫平章武宗潛邸日洒掃月窟安天根帳下

借業

十四

肅牙嚴校衛道周驚狀荷生思劍鋒差練光冷畫像凜
凜英氣存中書直舍乃冢子精金美玉聯弟昆雪消秀出
北臺翠雨過沙走長河渾醉看暮獵縹半臂躬扶春犁朱
兩轡浮梁力戰死民社誰伯寵褒來帝闈遂令賣國互郎
等喘汗俯愧聞風奔傳云仁者必有後况復忠節名乾坤
將軍曹霸舊為庶孫也毀冕甘丘園菜無盜跡柳罷阮
駭馬啜梅花源獨扉板白東瞰鹵九關雲紫西浮崑二
犀角殊冠敷所衣尚是繡芷孫騁燕鳴岐蓋未易量也落
日載舉雙犧尊

夜過蒼墩江隱居

白茅蕭蕭風色昏
歸人自語煙際村
我騎蹇驢童抱尊
記得君家忘却門
徑穿竹入背江路
傍是梁朝故宗墓
月中
針鷓吹洞簫
露水泠然落高樹

崔白百鴈圖為宣城黃宜之題

老思離群影久孤客來咲示百鴈高措眇試數失兩個莫
喻畫意翻令吁得非長門報秋使或是大宮傳書奴不然
一舉千里高鴻俱其餘洩汨碌瑣徒且唼且息翔且呼營
營鄭圃田之稷畦二齊海隅之菰遑知尔更啣尔蘆菰肥
卒至死人厨小而曰騏亦就斂迹聞澤梁弛禁官罷虞麋
鹿魚鱉同少蘇羽儀好在春雲覆

金世宗太子允恭百駿圖為舒德源題

金家武元靖燕徽睿請徽宗癖花鳥允恭不作大訓方畫
馬却慕江都王此圖遺脫前後幅尚餘龍媒群角逐息雞
草黃霜殺蒔王氣榮光等蕉鹿山人塵迷朔南目溪頭姑
飲歸田犢

高尚書墨竹為何生性題

公嘗寫竹自題云子昂寫竹神而不似仲賓寫竹似而不
神其神而似者吾之兩此君也為浙省郎中時曾經
理田糧致餽發小梗遂焚冊罷免民至今德之

子昂寫竹神而不似仲賓寫竹似而不神茲觀房山雙墨
君素節抱霜臍翠葆擁露晨文蘇隔世同超倫左司昔焚
經理冊至今遺民手加額使槎既泊葉落洲仙仗頻隨柳
林陌大言非奉孰信之布衣垂老神交客維山有岳星有
斗若趙若李俱不朽

朱澤民雙松圖為夏老圃題于綠陰清畫堂

征東提學古常偃手寫落二雙樹松深根本托夏氏社高
節肯受羸人封蒼然秀色入野闊勢擘交龍欲飛活白日
風雨從震凌青陽造化先回軒散樗灌木不敢齊况有仙
鶴時來栖杜陵九原如可作拭目清晨應重題

題徐子備為陸德昭畫溪山圖雨圖

群山峻搖雲四襲大木低回小松揖陰舒陽翕神鬼交澗
淫谷濫蛟蠶立一人正沙險畏途老馬旋寧僕且痛垂堂
遺體弗戒謹卒跌刺祿名貪愚泊舟者誰曲沙濘恠雨盲
風若知避苟能六鑿同天遊靜觀大化真兒賦徐脩徐脩
雙髻嗜盍為別畫瓢春窩老夫小車花外過

葛稚川移居固為友生朱禹方仲矩題

典午三經紊無紀賊奴內向伯仁死薛徵高蹈公以此終
托升砂去朝市千年盛事傳畫史野夫獲觀朱氏邸壯肩
餓糧幼琴几杖懸藥瓢風靡長襦老婢手執箒躬驅其
羊頭子兩捷受牽頭角頗整尾駁隨亦忻喜公披山經瞳炯
水琅餘音悅入耳後駭夫人謝釵餌腴上髻嬰玉雪美句漏
尚遠羅浮迹若有函關氣騰紫天丁山靈狀僑徒開鑿空

梧溪集五

青洞扉啓雲霞輸漿石供髓二麗精華晨夜委金光秀發
三花蕊飄二上昇碧寨止同時許邁行加砥一門翁孫良可擬
彼散豆者顛遺泚嗟今凡民苦流徙落木空行淚如酒

唐子華知州山水為王駿致遠題

天曆己巳庚午間每從鄉執承公顏陰嶺嶺江龍翔畫壁
動宸聽歸來官舍餘清閒忽思霽雪溪山好溪光不派山
色老懸厓恠石鬼呈面號寒枯梢誰僵爪長途泥賤馬衣
濕鮫宮鱗潛漁罟入携琴伊誰與弘集蜿蜒雙松夾而立
公乘白雲何所之此幅乃是臨郭熙亂中金玉軸焉有能
以善守方世奇為拂尔塵題我詩我昔俊髦今老衰

題光孝寺訥無言長老所藏畫龍柯敬仲博士題云

道人畫龍絕奇何處人間曾見之上京清暑朝初

退太液池邊看雨時

字南釐龍自是吳北駘醉墨幻出朝天龍奎章博士久家
食一詩寓意懷文宗鼎湖攀孺不可得虬髯倒影滄溟黑
似掀金陵之畫壁反顧蒼生望雲霓詩成恍覺龍點首霖
雨化作山人酒

趙文敏公山水為董竹林山長題有引

公於畫左題云至大三年六月望日為吳尹良畫并詩
有岸靜樹陰合溪晴雲氣流之句想在鷗波亭作也
良嘉禾人

何山弁山秀可掬上若下若蒼蒼綠翰林學士偶歸來亭
倚鷗波送飛鷗飛盡沒滄茫境衣上青天倒搖影鹿頭
舫子湖州歌想帶南風覺懷冷冰盤瓜李進仲姬管夫人
生綃畫就復題詩鄭度三絕世無有於乎何幸再見至大
三年時

題趙善長為李原復所畫山水

日光青寒殺氣白山童林髡水縮脉城春隨指株送餒莽
蒼坤輿大宵宅齊東趙原吳下客辭榮養母韓康陌酒狂
忽憶雍熙時畫法荆關海岳窄魁峰傑嶺大將顏秀厓峭
壁仙卿班雲嵐滌勃嵩華表石棧華嶠嶠函間壘飛樓閣
深翠隱獸群迹人烟近一瀑天垂雪練紳萬松花落黃
金粉森蘿鬢榭杳莫盡若聞行歌采芝茵旁觀衆攬攘妙
洒獨心苦神工精會合鬼物毛竦豎蛙爨扁舟露沙數磨
輪新坊俯場圃雌伏雞窠懸在梁磬折田翁飼其牯土膏
不假酥雨潤帘脚似逐東風順貢聯包匭旅累糧驢驅
馬馱力角奮怛然鬻筆淚滿腮龍肅虛卧滌陽臺累朝
德澤百年運短褐老去江南哀我詩題罷春潑眼又見他
鄉鴻鴈回

宋制置彭大雅瑪瑤酒椀歌周伯溫大叅徵賦有
今太尉開藩之三月命部將王左丞歲書使鍾海上
至吳中以予無錫避地說最勸張楚公端元擢淮省
事辭時江浙叅政周公適泣分省延飲齋悶懽甚出
瑤酒椀曰此彭大雅燕饗舊物子才器足當之遂引
酌之再氣酣思湧率尔走筆紀清賞非求知他人
淮藩開吳豪俠滿歌鐘地屬姑蘇館相儒獨為緩頰
出彭公瑪瑤椀血乾智伯醜不腥黃玉瑩錯紅水精
蝕月魄半死虹光霞氣歎且盈隱若陣偃邊將營彭
公古烈士重慶孤城亦勞止天忘而願二十年畝盡東
數千里武侯祝文何乃滯敗由宋祚民今祀太湖底
米豐官解喜與聞同酒波益面動峽影想見制置師
飄風中再酌麻沃礫高胸君不見漢家將軍五郡封
天與世史功詩狂昭曠客吳越存心唐室人憐忠嗚呼尚
友予豈敢醉墨慘澹雲飛鴻

嚴子魯叅政席上聞揚左丞完者死事

藏六者龜窟三者兔百鳥僥倖既仰復頌二雄由来不並
居揚也丞相防身及化心壘得又望蜀遺鑑孺亡危在虞
風震大樹無幾綠武公軒餘拂雲竹私恨平生志士心何
方移置將軍腹將軍國封八十親綵服行戴東山中白面
論事諒可採咲出黃羊觴碧醇

七月聞河南平章山問

六月妖星芒角白幾夜徘徊天市側尋聞盜殺李上公窮
旅孤臣淚沾臆當時寬猛制荏澤安得受降翻受敵上公
忠名垂竹帛書生奚為費稊惜東南風動旗黃色蒲相天
馬長依址

贈嘉定故吏尤鼎臣有序

鼎臣少由海寧吏調鄉州嘉定親養至正十三年閏
 三月海寇犯婁時寶哥參政頃兵崑不進鼎從州倅率
 義壯守上游二年謀效居多十六年淮張入吳倅奉印
 降鼎沮之為其將執且諭授以官抗不受杖百錮于家
 尋奔杭浙省參政周伯琦舉典義烏縣史詔使開吳藩
 鼎復以勞遷桐廬典史理吏目秩即辟歸農及吳隕後
 會予中槎羌謙家癯然類山澤儒而言確行厲殆有古
 節士風去尋常僅篋器遠矣昔漢符璽郎事殊杜烈然
 史失其名今鼎得予詩亦足暴其心也詩曰

長貧故吏身姓尤一刀筆擁千夫矛南垣參政但醉酒海
 若不敢東窺婁淮張崛起連吳臺屬臣賈降恐後來躡階
 沮獻嘉定印杖錮非謫天全才座中老氣虹霓吐屋山崩

葉吹黃雨舊除今辟置弗數鬼區冥一蒿中柱吁嗟猶思
 石龍石鼓

題頤謹中外祖魏洵子美妻丁氏祠堂卷有序

魏夫婦並吳興人洵嘗吏祿松有某仲權貴下微賂白
 金五十兩洵脫其械封還金上海巨室威福鄰父死汚
 官欲抵罪其子會部使者至洵盡發巨室姦狀遂伏辜
 然由是見忌調鉛山及滿考歸行李蕭然餘一贈行卷
 既除仁和場慎謝免夫婦日惟教誨中若已出而謹中
 為今秀造築別室祠之且道所以拜請詩二曰

義伸枉獄金却還寧忤豪貴遷鉛山六年僅有贈行卷秀
 髯皓白如霜管生憂教氏鬼獨苦今得外孫祠外祖雞肥
 黍稌天風秋鷓哭棠梨寒食雨宅相魏舒良可敦黑頭江
 搃不須論力田讀書姑養母莫賦遠游勞倚門

華劉二節婦有序

華劉二節婦並大同人華妻武州守張思孝生子亨劉其配也至正戊申秋閏七月河南軍帥竹貞乘亂肆掠二節婦度復辟間將卒闕得之驅迫以前華驚呼曰我命婦也驅我第有死耳且謂劉曰汝芳年將何若劉對曰忠烈不二宜聞之也審忍垢辱耶華曰刎無刃經無索奈何劉復對曰當激賊怒以就死遂大罵極口卒怒殺之劉不為動聲氣益厲卒又殺之華時年四十五平生嚴介馭下事或少枉弗貸明沒姑老衣膳枕几必身親焉思孝由衛學官三伯爵位華累對雲中郡君每目被服襦翟待志狗馬耳訓女機然克承箕箒華妻劉氏穆然清風劉年二十一翰林傅制翼之姪女也其歸也莊重威容性尤慧英華歲甚嘗索賦鹿柏云華妻劉氏時授節成孤秀既休歲寒心不在還年壽亦短也郡士郝麟備紀行實事精知事名適司任烏溪也乃介壽醫山振走拜予寓德以哀挽請予辭華劉志節亦表其用序而詩曰

雲中城蕪研頭守一門樓貞老并曰黃河清漢書漢清和風
峰巖巖掩暹狗看不是劍金辭謝身將華請宗華妻劉氏
都非者寡人妻婦人夫夫不被保家與學聖鄉高華妻劉氏
白蓬赤思之華妻劉氏香前非為世特旌張婦姑

陸縣尹時儉廉士贈郭府判官詩序

秦州判府八中驍德使海前何眼跡世殊衣帽不肯改意
氣憤激言慨憤天曆天玉信九三泉蛇隨龍一就奔當年
人稱強項令餘生猶念殘眉眉斷人婦然起森樞身急上
駟蚤夜驅瀟河風濤阻勢暴雷塘城郭垣柱蒲塞翁得失

何大嘯主家杯涵紫微宿少時良晤別亦樂

公諱野仙不華字彥禎順德之內丘

義冠以善國語聞中書右丞相哈刺

之俾事太子累年母王宜人齒滿告

帖古送兒祿之就養丞相尋薨公護

拜相義壯之屬左丞張士瞻為娶名

怯里馬赤怯里馬赤者漢言通事也

瓊山縣尹會文宗潛邸饒廩衣藥躬

差多忤意上每頷左右曰野仙不華

竭勞效忠於我苟得承祀墓統當以

榆糜帕胸禪髀製自公始黎聚登

還將樂尹闢建龜山書院洗冤鈕梗

像祠之文宗即位使南者傳詔公遂

皆嘗約見於禮部則見上後賜所愛

御史薦上曰彼居三日朕亦勿矣它日

不花丞相家車對曰然上曰卿從其

念臣善用館穀臣情進退在陛下諸

謝曰非出聖意竟不陸辭返上怒欲

大夫力諫曰陛下獨不記金蒙之旨乎

賜閩醴引若干談楮錢萬定公損半

野處武昌適鎮南王世子對威順王

聆謹言恐後贈龍衣鞍馬文宗崩嗣

省負外郎旋改華亭尹民有以偽鈔

偶誤耳付諸火易真償之他類此一

焉誣事叱去帽公自投帽仆地對了

遷父贈內丘尹諱善葵附先塋及還

勿效謝公重作惡

人也性剛峭有風

哈孫引見成宗器

有旨江浙左丞相

喪還時別不花新

門鄧氏女補省之

調湖廣秩滿始官

備如儀間以鯁意

首寵遇先皇今復

金蒙之瓊婦風尤

落順令効使五年

接起因累代民肖

乘傳入凡一時重臣

黑湯比退重臣以

御史召問曰卿宿別

求進即公曰丞相

里臣猶擬省遷公

罪給傳內外官屬

由是雲齊威因

受之沾丐親舊代

鎮王物色得之日

君入筵召除湖廣

其物償公曰

傾嚮而府倅忌

是日移文

代士民

群拜馬首取辭懸東門以存遺愛轉杭州宣課提舉地
當要衝歲課鈔十餘萬逋負筭械率視常職公別盡刻
弊庶已寬稅商不忍欺吏莫敢私能聞擢郴州路判官
行省檄捲湖南一道軍餉先期而竣臨武宜章二縣徭
作耗官兵進討不克公單童騎將命入開諭福徭徭恚
歸農移袁州路判官時蘄人叛偕由儲侍來江浙不久
袁陷而公年當致仕慨然長嘯曰華亭禽魚草木不吾
恠也遂隱跡凡二十載而卒子忠奉葬縣之橫雲山從
鄧宜人珽其先有諱瑞者仕金邢州節度使生震元初
內立主簿曰占籍生定生興以從軍攻西川戰死
興生善夔路招討使司經歷出鎮思播田揚定遠等處
以王事歿公善之次子也年甫十三奔父喪既抵漢陽
殯所取骸骨有同姓者誤持函往公直于官咸稱孝云

卷五

三十一

達僅與公有一日雅今讀錢衮所著行狀始得其細於
平公四命為郎三命大夫所至籍甚雖材志不盡施而
保身對世登壽九袞子孫安全天厚侈矣衮於公為門
吏有請曰撫其槩併書前贈公詩以歸之

寄題俞達敦義軒有序

達予里生也辛亥春兄牽車服賈數千里他費犯擁蓋
禁坐連時達尚幼閱兄孱弱必客死毅然代庸子濠凡
三載例構公解完乃放還黃常氏既為序復徵予詩曰
我家延陵君子鄉義讓遺俗戶相望航中豈少趙與姜耳
目不逮泥莫彰俞氏小弟今家良竊旌載車先死盜剖棺
起生事孔到瘦鬼弗染出天造之三人者世爭道後井從
揜吁象傲黃常名軒義是敦我老作詩銘諸門出入維德
閑朝昏春風頌篋叶雅填白頭毋忘鷓在原

送花生還懷遠縣有後序

尔爺屈跡簿書吏以中會予輒師事里稱黃童扇枕孝士
 多實十還金義於乎不幸死連獄寡妻孤兒徙荆麓欲天痛
 抱正哀心長夜哀聞杞梁哭君不見老夫避地烏泥村豈徒親
 舊少生存木落洞庭悲帝子草萋南浦憶王孫酸風暮閭
 日短酒次贈言婦莫緩驚鴻啣蘆雲與遠大魚跳冰月應滿
 生之父貞予鄉友也性敦慎嘗典簿書浙省大官有以
 白金數十斤託貞世變後悉還之居家奉八十母孝甚
 扇枕温席暑寒因替鄰里稱焉今禮部凡三辟辭不
 獲起為佐吏未幾以事連死聞者咸歎曰使天定貞
 豈有是耶有司沒其產業徙生荆山下栖卑墜荒母子
 胥吊歲甲寅冬十月始克還謁予寓隱且言復得存日
 予曰飲之酒贈之詩用慰勉生之心焉耳

題何婦黃氏卷有序

黃氏松之莆溪何其慈妻也某家素饒洪武初室名欺
 隱當沒產既上官至某貨殖它郡黃獨與諸老弱居官
 怒其帑藏空匱掠微貲扶累百身無完膚昏頓就斃者
 婁言卒不奈次掠姑又次掠其姑二號呼婦黃方呻吟
 即狼狽起救翼之且告姑老不勝捶力丐身代辭氣款
 惻官愍釋焉翌日黃復扶傷詣官泣請某前室之子及
 姑之子若婦凡在繫者少休松舍贏糧以俟遣里士范
 公亮誌焉予謂昔鄭休妻石鄭義宗妻盧遺事並著乎
 唐史今何婦兼類之可稱述也已詩曰

江南枳花開妾當飛望天孝義由中心搗杵之從百回古嘗亡獨
 袖林木今見青蠅憎白玉破鐺盡沒氣若絲官曹尚擬夫刑
 贖君不聞一鷹揚百鳥亡一犬走百虎僵騶虞麟趾周家祥

贈孝僧琳有序

琳號西王予鄉人至正乙未出游名山川會龍巫婦觀
 寇數兵之告以故免既聞父兄弟皆歿亂中餘母高嫂
 薛在錢墅庄及見母創甚嫂以不辱溺井死琳躬負土
 掩之匍匐乞食奉母養弥年母卒窆善地遂奔隱吳
 門一日携血書華嚴經謁予海上予嘉琳學佛氏教而
 克孝克義贈之以詩曰

華嚴內典釋中尊書向吳臺獨樹村十指滴枯遺體血一
 心追報二親恩琅函夜繞金光紫黃壤春回淑氣温却憶
 亂離多死隔獨能奉養及生存江魚雪白思登饌野樵殷
 紅夢倚門客含題詩良有以頻年少見老兒孫

送吳藩錢郎中陞參政分鎮淮徐邳三州

公府疏恩近九天復從苦次起籌邊江黃慎與齊桓會梁

楚宜推宋就賢出膝故墟山所歷露筋遺廟草芊眠望中
 不盡英靈氣傲上新疎警急烟火雪弓刀千騎出上元燈
 火萬星懸機乘暮夜初無定霸賤春秋夙有傳他日大光
 吳越後白頭昭曠正歸田

嚴壽閒席上贈汀州同知曾文昭三忠誦福建平章陳有定

僉樞白帖穆尔子壽漳州達魯花赤迭禮迷失子初也
 避地東來喜有兒竹林無恙仲能篤甌閩城郭三忠淚吳
 楚雲山幾故知老馬忍忘霜塞草孤猿甘抱雪松枝嚴家
 酒熟環池露且醉梅間藥王厄

寄劉小齋張溝南吳中洲夏師魯鄧毅夫丘宗大

鄉里遺賢軫念多荐辭今聘守微痾前途絕望楊宣雀
 前水長窺董養鷺季子有碑時打字莫王無鬼夜捺戈春
 風凍解酌新熟試覺端舟駛一梭

奉懷集賢黑之承旨

謝病徽州詔許還五千部曲沸如潛一帆風破三鯨浪兩
鬢霜明九豹關西第月資全祿養中官時出上尊頒鴻笏
滿地呈牢落應憶微言俎豆間

任子良縣尹除奉訓大夫台州判官逢避地相鄰而
又姻婭之好承聞大軍駐汴經略使已至浙東小康
有日先詩奉賀子良名賢佐宣慰仁嚴之嫡子也

天香夜染紫烟衣喜氣春連白板扉陶令山中初酒熟劉
郎溪上正花飛使臨奎壁新分象民望雲霓落暉宜早
上官思補報大軍先破汴城圍

謝中政院判買住昂霄枉過龍江寓隱

三年江館閉斜曛一日豈輒下紫氣老我已非佳子弟壯
公會是故將軍未央雙闕雲端見長樂疎鐘月下聞還

語中原繁絲盡六宮知愛石榴裙

送吳照磨赴李司使驛綬閣張郎中

司校分鎮越王臺旣發山光入里來堂上修文間將略
中求舊得賢才鑑湖木落魚梁見紫塞風高鴈路開
白頭狂賀老時禁酒酒船仍蕩月明回

題何上海緝新修聖州義塾卷

十畝宮園數仞墻雅州開建鶴沙陽派風遠被弦歌樂化
日重輝黼黻章衡縣有詩稱陸宰魯城無宅壞恭王春歸
壇杏青陰滿安得追超弟子行

題徐伯起水南漁隱卷

幾人北戍幾南遷一日身間一日僊回首華亭鳴鶴外
舟長泝亂鷗邊屋圍楊柳清秋日呈錯蠟珠薄暮烟不
秦民不終隱桃花傍咲太康年

將遊澗山承府伴張德常郭宗唐聯過舟次留宴燈
夕不果既得風帆走筆寄張郭

天上春回城雪消人家梅柳帶河橋官無一事鼓鐘晏
有兩駉環轡搖霽月華燈遠後夜好風輕楫快今朝水生
汀渚鴈鳧浴閣倚澗山心獨遙

遊崑山清真觀放生池承盧知州孫萬戶梅梓會宴
有詩留錢尊師丹房

鼓角沈雄畫漏稀羽人宮闕靜含輝林間紫馬嘶
上文經楚鶴飛霞氣暖流千日酒風光晴拂暮春春衣不應
客似瑤筆鴈留滯南音繼北歸

同朱節遊秦山詩留地主宋氏

金縢二山名遙望巨海郊祖龍曾此駐雲旂為尋白聖朱砂
洞首度蒼厓紫壁均木客夜過松籟作石人寒卧薛衣交

唐集卷五

二十六

一茶共話桃源隱不信河山有二嶠

重遊干山望機山有引

干將山色倚空青獨立風生十二翎便合武當祠畔住
布衣長謝然微呈予至正辛丑九月十七日所題口號今十
七年矣墨蹟如新而風烟草木與時變異西望二陸遺
墟慨歎久之老現賀白布衣得無汚乎回留詩山中

杖倚干將西紫岑望中連巒瘞雲深當時少為全壩計後
俊堪羞妄躡心京洛好風隨義大華亭涼月怨胎金斧斤
浩山林歎辭賦蕭蕭、麗則音

寄贈劉樞幕

獻替雲臺忝一炊羈離江國鬣金絲醉中罷落高風唱夢
裏猶聞湛露詩山豨葉乾知歲短水楊條怒任春私靜思
舊尊君臣意足見平生志有為

呂充閭復亭自陝還予過之懷文會於時康傷家徙於
事連且慶其世德有在而子孫保全也賦詩留希尚之第
堂開來德俯瓊灣魚鳥熙晝靚閒多士春行沂上服巨
靈夜負澤中山蒼黃一氣千林變玉壁雙聯萬里還為醉
阿咸狂走筆髮絲香拂鷓鴣斑

寄婁上俞士平提學陸良貴秦文仲二教授

朱紱青袍映後先迹來愁過買臣年爐頭相醜裏須磨地
下誰遊劍莫懸淮浪白滔迴魯日塞氣黃隔姓劉天賤名
忝在齊民版為報新無傷沔田

寄龍江親舊二首

四年不過醉眠亭白髮盈顛病始醒趙盾共知為畏日戴
逵曾誤作賢星鶴江列第花如淚龍鎮雙庠草又青親舊
友生三五在幾時同謁聖儀形

上卷卷之三

卷之三

冥鴻東邁剩丘亭遭世艱虞幾醉醒淚化夢中雙好雨心
周物表一閒星大江順駛沅湘白少室高齊泰華青持此
欲誇吳越地舊交多似木雞形

寄陸宅之進士錢思復提學全希言學正

花開花落雪盈顛三地相望一信無梁震不慙前進士林
陵寧是老狂夫長淮浪接江逾闊南極星聯斗不孤想與
窮經全學正酒香鄰社杖同扶

經游小來涇簡木仲毅

髯叅歸隱小郊坳融日曾聞險備經風黑浪高羅刹海月
明天度使臣星東都先見逢胡得廣武重游阮籍醒寤是
故家春草暗杜鵑啼殺忍同聽

題董良用徵士釋畊所

百畝私田千尺廬釋畊為樂野人如龐牛齒卧春犁後水

鳥低飛午饑餘殷喪蕨薇元可食秦炎種樹獨存幸言老子
擬就龐公隱歲暮相看兩鬢疎

朱氏梅雪齋中會介壽仲祺

高昌公子忽重逢一飲玻璃酒百鐘
時曾見喜乘龍仗邊風送昭陽漏
五年俱夢境石灣何日少從容

贈劉易性初

鷓鴣文采鶴癯形雖恨無家異水萍
窸風雨夢傳經元規塵暗衣偏素
有餘平治近莫隨王績寄沉真

同舍章千戶近歸江陰父老首詢予在多喜慶者癸

丑春日小酌曰迷懷爾諸父老

得嗔如屋謫如山轉覺方心似石頑
居長夢把連環平安短札春湖綠眉壽深杯曙日殷
食料不知餘有幾且從兒女慶童顏

贈陳履信有後序

落二晨星江海隱每於士友頌陳思藩臣
遲用防秋策縣令深嘉樂祀詩貧後小夫
婦地利亂中闔室戴天知尤憐不受琴生
粟長褐郊園自采葵

恩松人不苟殉俗雅志古道有田僅供
饘粥遇族里貧甚者輒分食弊廬數楹日
授徒其下鄰人侵傷地自歌曰食且無魚
奈何盤蔬無餘鄰聞之歸所侵地鄉大姓

張氏子翊嘗從學琴業成載一巨舟粟為
謝思曰吾藝以售汝耶薛之吳藩府地連
十州守將咸已為安思上疏危之不報遁
居海上日惟無後是戚乃欲弟之幼子

後求於弟三年弟不之卹吳被圍思愈皇
如無歸或

勸止之思曰吾得弗珍宗祀脫兵死不憾曰賦詩謂祝
上海挺曰傳家忍學韓為賈失國驚聞苦滅鄙挺嘉歎
為讓弟遂立其子後配中民妻女多所汚思置家人閣
上如平時且曰吾心鏡無醜迹醜影何由至竟如其言
君子謂思行義所致云

夢騎驢

寒驢雙耳卓東風前道青衣一小童石澗倒涵嵐氣白海
霞高貫日輪紅桃花芝草經行異鶴髮雞皮語咲同初待
朝天驚夢失春醒無奈雨簾櫳

題趙生克敏戲綵堂

戲綵 尚堂俯鶴沙孝承清獻故侯家一雙玉饌春冰鯉五
色斑 不曙海霞壽酒宛涵池上竹醜顏聯映座頭花山人
善精良非佞更積詩書到五車

趙鶴坡長壽寺宋東南正將者德到所叙

提誰建鶴坡陽寶祐年間忠翊郎耕種久婦農版籍佛
燈長似日容光六時螺唄潮音壯滿目烏鳶野色蒼老我
類為僧一日盡招新鬼上慈航

癸丑正月三日述懷一首

梅風 峭寒微雨零中荃季薰聯婦寧嬌小數遷兵燹地保
全均賴祖宗靈園開鶴徑亂石白天入鯉山雙角青依舊
素衣 婦舊隱他年應忝聘君亭

癸丑上元日試筆寄示外甥俞莖

年踰富貴五看燈拙守丘園兩謝徵石上履聲多在竹月
中吟影澹涵冰清溪道士居相近錦里先生醉自稱歸淚
若沾原上土松風君山誦長嘯學孫登

過趙彥溫青壁茅齋

余薛秀壁參錯輝隱者靜坐敞凶扉長松不見薜開落獨
鶴自與雲來歸錄漢雙星月露爽黃葉千家烟火微便當
老袖鐵如意莫為珊瑚輕一揮

題阮德副新溪草堂

草堂山水競清輝
素織兒經母在闌
榆柳巷陰嬉爾虫
角荇芹泥暖樂鳥衣
羈孤恨缺蛇珠報
同姓恩深杆嶽端
不貴榮名惟隱德
靜中風雨亂花飛

錢士脩辭學職歸養地主徐去奢為營草堂詩以賀之
博士辭歸奉二親
東家為築草堂新
殺雞作黍歡難得
走馬看花夢不真
風雨倒衣恭後旦
林塘操杖從行春
問觀今伯陳情表
不獨才高行最純

寓隱烏塗之五平獨酌梅花下時仲文婦同郡許柏
老幹危柯屈鐵盤
舉杯今夕始成欄
林坳北斗低垂象
花

外東風淺帶寒綠
徑盡添苔石立傍
池猶少草亭安身
蘇荐有門闔喜醉
裏從園萬玉鸞

訓鄉友黃新彞見寄詩韻

別來寧復向驚入
靜得堯夫意味真
弗記馬鄉煩狗監
尚論李賀泣蛇神
山房石枕新秋月
海甸風低薄暮塵
對度斗生襟量遠
不無掃榻再營魂

日本月千江長老携其國僧齋堂峰級禹門徵詩

日本盤瀛海
閒夜分先見曙
光殷毛人倚帶窮
荒島富士高瞻箕
枕山開國僕來東
漢觀遊方僧說大
唐還徵詩慎說雞
林售不欲貪名著
百蠻

中州風氣海濱分
島宅嚴居被大雲
鳥篆不遭秦烈火
祥光曾託宋斯文
具琛歲入諸夷貢
草木春隨大地薰
聞道頻年亦兵革
好將無諍諭邦君

題趙氏雪霽還松江圖

霽雪丹徒道歸舟白下門始罹懷璧罪終感賜環恩淮海
沙迴合金焦翠殿奔冰梁窺馬倒浪屋歐龍吞寒薄征表
辭春隨挾纒温老親雙喜色諸幼幾啼痕茂苑經餘燼平
原認故村村名在橫山賀聲連凍雀生物迨孤豚啓錦官
迂駕居鄰叟抱尊疎梅微徑曲亂葉古墻根烟碧新鑽火
雲紅獨照曦張儀談舌在王獻舊檀存幸甚家全樂嗟夫
野斷魂乾坤枯樹賦暮夜翳森殮陰德孫教衍仁風實十
敦憂竹繫斐作畫畫示來昆

陸宅之進士捷詞有引

諱居仁明詩經嘗中鄉貢隱居教授以卒贊予畫像云
辯如懸河思如湧泉斗酒百篇倚馬萬言慷慨如奇村
之劍客蕭洒如錦袍之謫仙第未知伏軾而掉三寸擊

梅而快一鞭於斯二者子將奚先

游戲清真帖優長雅頌文世方趨趙孟天竟滯劉蕢教
施河冷雨身浮澱沔雲飛花時事草過鴈計音聞有女哀
扶藪多予望薦芹陋容看轉老空辱許奇勛

謝木仲毅負外過烏涇別業有後序

婦畔全晚節懷舊過寒簷不解吳儂語猶森蜀將驍名公
書早佩筮母詰生靈三仕風塵屬千艱水陸兼獸車咬吐
遠魚飯味南馱芝嶺歸秦皓桃源記晉潛銜才紛禰戮昧
識捲申鈐世事忻相遠春杯約細拈

毅西域人少喪母筮母諱馬麻哈同撫育若已出及毅
貴皇封為宜人毅性周謹事上涖下非禮法不陳道中
臺丞王公德謙特書賜循理二大字以南省使累遷長
兵曹僕去配遠引今為襄海上於予為交好云

檢校蔡公挽辭有序

公松人諱廷秀字君美由郡諸生試吏調江陰擢浙憲
差累陞從仕郎浙省理問所知事承務郎袁州推官
中書左丞烏古孫良楨薦江西省檢校及命下公已遇
害初斬寇犯袁土豪率丁壯張官兵得版授同知州事
貪虐不道守將計殺之殘黨匿山谷者遂道守寇覆陷袁
公被執三日口不絕罵死平生博學器識沉毅儒先德
若子方陸墻東益之許白雲並友重焉江陰別業一區
田六頃馳立義塾部使者以聞賜澄江書院額中祠九
峯先生以考檜岩教諭封江浙副提學配享虞文靖黃
文獻二公為記尤好詩送聞人之巡檢云旌旗小三將
軍隊行李蕭蕭郎罷船袁州宜春臺云一水白隨鷗鷺
去萬山青逐席龍眠士至今傳誦逢忝交忘年一夕兩

形之夢回追述梗槩附詩右寄其弟與子壻之在松之
趙屯者詩曰

田第歸鄉校詩書長法家不違虞萬尾曾快扶鯨牙淞水
菰駢實袁山草亂花新秋夢如在惟覺髮增華

題訥無言長老如考稟有後序

光孝師重見春秋八十餘坐忘寒漏永吟入暮鐘疎囊剩
曇花鉢珠收貝葉書期予筮晉社飲酒論真如

至正乙酉師自法際遷主吾鄉光孝予時甫壯數游從
山水間後予挈家海上師亦退隱崑之福嚴書問嘗一
往還及今重會曦南仲會海禪林論心道舊蓋三十年
矣南仲且謂師亂中衣貲散沒略盡而道行益精進近
閱大藏經獲赤白舍利二居士交弥久不可無贊述也
師既出如幻稟觀焉遂題八句于左

送章庠景序遷祖衣冠墓父櫬還鄉中敬山先隴

不負詩書業躬遷祖父喪丹砂書翠表金井錮黃腸日月

新臨照風塵舊痛傷縣公敦孝理廬墓有輝光

闕揚鍊產搜學山間有靈則遺音賦一卷行于世

蚤躋龍虎榜晚赴鳳凰臺世賞遺音妙天全老病回鍊產

風撓木玄閣雨生苔不得門生狀聊茲寓一哀

寄張長年員外

隴上一齋廬身全謝病初高秋哭子淚晚歲絕交書瑤水

周巡遠蘇臺越戰餘晨星挂霜木東望獨踟躕

同斯道成上人過邵灌畦

園綠抱清潯風烟似漢陰繭絲隨地少膏澤荷天深對食

爺頽蠲躬鉏鄙華歆經遊坐木下閒說故侯心

題鄉友趙觀宗弁雲亭舊隱畲宗燕翼五十二世孫

田野俗新語

茅堂巧背貪雷春羨石蕪霜冷釀庭柑封冊

猶存奠歌詩捲系南窗披舊風景歸思滿江潭

送謝瑛子温扶父草池府君櫬還墓天台

父櫬實賢里家山夢月樓脫駭風稍競正首顛方酬雲屨

無危石風帆少送流孝心神所助好認魯王丘

送徐嶧元桐還蕭塔

世亂同我出時清先我歸寒燈伯淮被春饌老菜衣異縣

兔葵長故山猫筍肥朋游若見問五十未知非

題巖譚德華北涯釣隱畬

雲間水北涯釣隱屬巖家七宿低喉舌重洲倚輔車鷺窺

遲暗柳魚避急飛花咲謂垂綸石蒼苔幾歲華

題青田王伯梁妻陳氏懿恭孝節卷

蕭雍遵姆訓孝節著儒門粹質猗蘭佩幽光苦竹原史稱

巴里寡詩鄙備風奔錫館忻承祀冰霜耿澗魂

贈河南理幕沈易之有序

易之名易松人嘗為淮安分省懷史既念二親遠且老將辭之會省臣叛易側身走洛謁河南王超擢理問所知事然孝念不可奪乃去授徒淇上曰惟蔬食夜衣籛于天庶顛親安身得歸也間就葛溪權衡學河南失守衡流寓青齊間易依焉一夕遇海舶適風迂甌越以歸而親俱康強卒如侍養志曰贈詩曰

去叛官洛下全生歸海濱中心兩曾閱昨夢幾桓文草色一簾綠書聲鄰巷聞山人忝執友詩以勞艱勤

贈沈氏維穆伯仲楊鍊厓傳附

喪亂苦多門私賢尔弟昆詩書三世澤孝友一家村月細哀猿抱風高駭鹿奔尚遺流矢痛堪弔不堪捫

卷五

四

丁未夏四月三日淞島兵變禍挺城邑二士沈騰氏挈妻孥走草野二子維穆守家廟不去悍卒排闥入二子走裝二矢穆中臂雍中左髀仆戶外卒復引刃擊其項背穆以身障雍跪訴曰吾兄儒者為鄉社師不可殺某不才請以代兄死兄亦訴曰吾弟力田養吾親不可殺寧殺吾儒懦兒卒感而止曰弟義兄友殺之不祥遂兩舍去前進士楊維禎錄之曰在古兄弟直盜爭死有彼壽棟戰有襄萇庇幼有肱江讓肥有孝禮豈誠不愛其身哉身可滅而天不可滅也吾聞張氏亡其臣有相率而死曰滕氏搽扒也海獠弄兵兄弟有爭相死而不死曰沈氏維穆也滕氏死以忠沈氏生以義忠義一天也然世喃利害未一髮而遽以食其天於乎吾不知其何心也於乎吾不知其何心也

陸緒曾祖諱大猷號翠岩自題佚老堂詩後翠岩
宋學官元初忠武王版授江浙提學不就以隱德終
佚老堂無恙居然見典刑心存趙氏日跡隱謝敷星金五
餘清響頻驚只舊馨分湖酒春綵思過翠岩亭

寄李元直待制有序

元直名秉方李忠介公諱黼之子也陰授同知常州會
中吳陷供億無錫官兵予避地次嘗一言為贈既無錫
亦陷元直與郡掩管完顏以義丁台宜興分帥嚴蒙古
不華騎步卒退保陽山其地阻湖憑險順逆不常至是
山氓委心戮力戰拒張氏凡十六月張降浙省朝廷錄
功嚴拜浙省叅政完顏擢析憲使元直待制翰林南北
使往還數承記問賦八句以寄

肅元子俱斑陽山試百艱不啻黑痣地如在玉門關壁立

孤危影天回咫尺顏絲綸煥五色思睹水雲間

哭雲間衛尉劉有引

尉劉諱仁近好學績文敦孝友行嘗游吳興守將候見
之送餼米百斛既舉榭官並辭太尉闕延賓館幣使聘
焉亦謝免或問所存曰所薦非正人所依非真傑吾得
表葛老余山墓側足矣惡用虛名致實禡為我祖諱讌
元初以宋資政殿大學士宗武後授温州路治中弗就
父諱德嘉潮州路儒學正失儼二十有八年不二娶養
高詩書里中幼而壯者罕識其面尉剛年四十七卒予
素交重特冒風雪送葬不果及晴畢墓乃系之引哭之
詩曰

有慟名臣裔嘗辭太尉招珮間寒水玉蕨老故山苗臨帖
烏然盡聯詩絳燭消遺餘行卓絕足礪俗浮堯

寄林季文周村彬二進士時訓松崖弟子員
才名江記室鄉校趙衙推上下床無間東南運載移鶴袍
聯射圍魚飯獨經帷九折王陽坂應同老鈍錚

寄經山洲象元長老

秀爽東西自行峰五葉分翠虛靈鳥道水殿毒龍雲異茗
先雷擲踈鍾渡瀨聞禪林肯相見來關大蘇文

寄朱仲威編脩

名桓常熟人力學負志張氏有吳中桓航海上海于朝
授編脩官復朝服極言上儲官不報竟以憤疾卒

使臣傳尔信南士盡稱奇蠟烟通宸極魚須撼震維暑風
行瘴遠寒斗轉杓遲正好輸忠赤騎驢莫咏詩

謝邾仲義進士寄題澄江舊臺其詩附

釋褐平生友郎官辟共辟復形掾筆夢遍頌權歌詩樓振

雲霞錯沙鷗霧雨悲歸舟阻習險士稚莫吾期

半山昔拜少陵像謂公詩与元氣侔後五百歲無恙者

元氣茫二散不收我朝詩派回中州氣節首推劉靜修

宋季陋習茲一洒天運亦復詩家流楊趙馬老虞揭歐

金華蒲田誰與儔亂來風雅久衰落喜向澄江聞權謳

澄江帝冒同羊裘風塵之表從天遊每和君山老父笛

不換華頂仙人舟有時擊節譙陽俠百恠莫敢窺十洲

鯨波可嚼惜沈劍鼉嶠欲蹋思連鈎澄江浪高江月浮

江神迎擺風懸三雲機上割天孫錦底用枯槎橫斗牛

放歌濯足銀河秋酒浴不為澄江留誰道澄江淨如練

我視澄江真若漚此日相遭東海頭東海織塵生我昨

醉擊珊瑚碎蓬藥咲委鮫珠輕博散俗淫世靡吾所羞

孤鳳默公群鳥嗽夏絃一扣海能小粗槓載誓天何尤

澄江權歌之未休凝碧管弦非所憂君詩可罷予得稱好
贈言請視今汪周

哀高照磨有序

奉符高孝子名自松入池遷父照磨公墓將歸柩先隴
也予嘉名孝嘗贈詩一日拜予且泣曰名家本汴大族
高曾祖並仕金節度使子孫散處青齊先君晚祿下位
適弗大施歿于亂平生行義粗具池陽洪仲遵九江僧
觀空海序文敢復以哀詩請公益岑諱長卿字性剛潔
遇事不阿撓俗號別子矧方別初為掾集慶會大夫納
鞞建議潯陽二州漕粟舟練二千里始抵龍灣候海運民
病之宜興距二州百里聽民陸輦置倉便公於是將命中
書往復論列利害幾二載不以艱窶受攬輸豪氓所賂
神疲慮殫克允厥猷者公之力也既調池民有以箚蚩載

哲宗真五

四七

銀篋十雙用報德覺為怒民挾甯退兵興達識丞相以
分帥曲律薦版授池州路照磨軍缺諸禮勸義激巨室
咸惟命時至正十五年也越二年江北南皆敵境池家後陷
曲律被執不屈死公尚智戰備于外聞池不守遂隱九
華復世建德明年卒其友陳中殯之敬哀以詩曰

白首搽冰檠青衫困簡書日迴戈浸遠山采蕨無餘多士
文潛德遺民式葬墟兒賢天所報骸骨遂歸歟

送黃黼成章還潁上別業兼示其弟敬

鉅室隨王運憐生亦播遷關山孤漢月草木慘淮烟哭母
千行淚存心一寸田天風動潁水急買載家船

題沈秋田推官續言行錄有後序

言行何人錄歸田沈節推備存忠厚意非出見聞私天遠
青雲鵝山深白石芝兩生高漢史猶恨姓名遺

逢式觀是錄誠一代明良之士為多可稱者焉若大德

辛丑秋七月颶風海鹽水暴溢旄倪驚奔官屬備舟道

知州于弘毅浩節獨朝服臨河拜籲天曰邑以淪鋪某

將安往乞死于此諸竟夜風水復故道時江陰尤甚編

氓胥漂溺避而存者纍三咸告飢州聞于省未報知事

宋仲仁嗜心也亟散廩賑之曰人七日不食且死躡位

矯令惟某罪省檄果通月始下史繩武正嶺眉主簿塗

之興國也適三月至七月旱民有陽八死者凡陽坐訟

連八十五人賊七千五百緝繩武察陽為盜被殺坐

實言惡遂伏辜所連獲釋是夕大雨阿昔治中之在信

州也故掾嘗輸庫鈔江東宣慰司道都湖寇掠之繫責

二年粥妻孥莫能償阿昔首相俸論諸掾助免它如竊

木當笞木主賂雜大杖俄一犬前街杖倪首若訴其

燭枉宥罰回知母缺棺竊完之者分水跡尹道珙也

健德所至署僚吏姓字莫延遺老咨詢治效凡言某善

朱加點其不善墨加點朱墨半者數必精惟宋多者眾

毀弗信墨多者交與弗納則浙西憲副霍鼎也精備賈

黠吏示以威懦民接以和故獄絕舞文庭無冤訟則燕

先賢推推好初太介潔素囑非辟因干與實誦節南山

之詩妓樂屏去一座滿容是又皇甫錄事並美嘉禾也

泊乎陝西行臺治書侍御史馮翼君輔南康括管汪從

善醜良實師有王子復病卒從善殯如禮初撫諸子
女恚為嫁娶不失所翼甄拔士類雖陋居委巷生紆
翰碩問或笑之輒謂曰若貴乎學則聞聞翁然辱化矣
於乎四海之大累朝之盛上而省臺下而郡邑政事先
治體言行關風教者何限而秋田之錄僅若干以固不

無遺賢之歎亦其耳目所不逮也歎予撫其尤者表出之則庶乎秋田一念之誠不泯矣

倫德堂懷寄九十一首 各有一序

李一初名祁茶陵人由進士累官尚書御史會亂歸隱儒壘一別幾二十四飛聲不見重華日空懸執法呈紅綾諸舊味皂帽送餘齡想像龍魚舞鈞天奏洞庭

完哲清卿江陰上萬戶贈都元帥丑斯公之弟泰州不守以材請擢萬戶累遷福建參政亂後歸養吳中

喪亂無全室婦吳有大叅五湖孤枕月百粵萬山嵐故國龍移鼎高堂雪滿簪彫籠綠毛鳳默然夢閩南

買住昂霄以江陰副萬戶累遷中政院判官福建憲介會亂遂航海歸隱以孝聞

郡邑更新署江山識故侯寸心天北角百指斗南陳月殿

金猗曉霜白路鳥秋書來憶前夢甘膺為親謀

鐵穰公毅由進士累遷通顯今隱居教授海上

府倅今梅福詞場老益真自戕悲二俊遠引慕三高觀石餘儲粟宮羅制賜花垂虹月千頃蓮華擬同椽

長吉彥忠今姓張由進士擢軍城錄事亂中奉母終溪

黃氏客探雲間酒伴請謝也

一命參軍老長年曲逆負獨行場舊事新者發繼長甲子

書茅屋庚申夢繫哀南隣酒伴去惆悵君始春

鍾伯紀名律汴人由鄉貢進士擢儒學官前後徵辟並疾辭有大學補遺行于時

故人辭聘烏海上閉柴荆繼口吳三俊終身魯兩生歲時羞蘊藻風雨夢莖莖尤喜春秋學相將補缺成

張光弼名是鹽陵人以材猶累遷判樞謝病隱西湖上

忍酒新亭淚重經行路難新酷鷓鴣暖短檠鷓鴣寒詩法

高常侍仙尋贊長官西山遂隱迹雲石然芝團

對馬當文郁西域人由父廢累遷南臺御史今寄跡全

真教中

清脩馬道士憶過小林丘脫略青駝迹退隨白兔游君親

心獨耿河海淚同流好在醫閭址徘徊紫氣浮

觀同用實蒙古人由中舍拜南臺御史彈經略使忤旨

左遷江西省都事不赴隱居海上

伏自彈經略西遷遂退休筋挑銀膾縷心覲玉螭頭一氣

分光岳三河潰薊幽青門種瓜老終系故秦侯

張鳴善名擇湖南人以晦迹擢江浙提學今謝病隱吳江

薦書三十載岳白廣文官真壯心肝熱湖南骨肉寒病辭

新主聘老托故人安著就先天學何時一細觀

石伯玉名瓊以松江萬戶掌分成大信亂中歸隱余山

亂中歸老馬靡上佩童牛故國金吾夜荒山白帝秋驚心

木緣出送目海漸流却喜甘藜菹三年免楚囚

邵克忠嘗為南臺掾今隱居吳江寺

獨客長依寺何人共戴天餘生歌激烈闔室夢團圓淮水

深蟠楚南風直過燕蓮花遠公漏自屬一山川

許址郭名恕予鄉人善醫部使者薦授澄江書院山長

有懷吾址郭隱趣遂歸心樓幌含芸氣庭除入杏陰樵麓

堪痛友金贖久亡琴誰為銘先碣東風俟德音

魯道原名淵淳安人由進士累遷浙西副提學張太尉

稱王擢博士今名拜官並辭還山

我來雲間藥公婦白下船相期文苑傳獨立義熙年北斗

橫山閣西風熟龐由季長門地盛曾

讓彭宣

五律

五律

五律

王伯純名嘏河東人由鄉貢授正統太尉辟常熟

教授辟書護祖父妣三喪自惟揚還葬洪霍山鄉里推重

中原飛鳥盡南服大星流衆獻荆山璞君添海屋籌遺經

牛角挂濁酒鴈前驚洪霍山而得方床日卧遊

倪元鎮名瓚無錫人善詩畫亂前弃田業縱游山水

隱跡懷東老詩狂慕浪仙百壺千日醞雙漿五湖船畫

通芸閣征輸歌藟田鄉評有月旦未覺庸頭賢

吳子中台人以父廢主簿會亂不肯仕東西藩歸隱卒

竹梧疎繞堂爛月晒新霜頽影衣殊短論心酒故長嗣宗

入晉昭陳義存唐一別音微隔天涯獨髯鬢蒼

杜好古名敏宋祁公裔世隱龍江累謝儒辟

藥謂迂尤甚私欣學益敷無田安古屋多病老孤村瓔

當戶苔梅巧映尊題名幾狂客醉墨滿牆根

吳士益名惟諒同里人宋八行先生有碑在郡

不屑三家仕真為八行孫水雲孤米澤烽火棗華園良馬

寒碑坂靈鳥暮識村還期巷南北相送月過門

程煥文禮部員外以文先輩之弟下隱吳山

禮部程公弟論交喜白頭生涯詹尹卜足跡子長遊雲石

芝三秀乾坤海一漚尚懷氣慨歷說舊諸侯

隱中山嘉定僧嘗主余山聰禪師道場有和三髓唐詩

海曲黃金地重來半入田軒餘聰老月漏永遠公蓮慧眼

空神駿詩懷耿杜鵑期同訪蝦子春水綠移船

彭素雲中州人郭梅岩西江人並學全真有道行

彭郭上清班相望高世閒木龕雙石壁棕屨萬壑山軒冕

泥塗底詩書極楷閣鄉園數形夢欲借羽車還

挽夏老圃

正佩藍田約俄遠新水歡月評無許幼雨過失蘇端鳩靜
看松杖駮開度柳鞍交盟在諸舊不為死生寒

重遊潞山

鼇戴小蓬萊方諸宮影開厓根龍洞關山脉庸在來疎聲
重烟水殘碑半雨苔因之懷故國遊鴈落清哀

題任村達母俞婦雙節堂卷其曾祖開吳淞有功
龍江任孝友母坊重雙金寒月斜銀檝晴霓卷素衾旨甘
今日養節苦半生心沒大母勞卜吳淞祖澤深

長清無錫許穀茶陵書至報及李一初御史卒

甥館家書至儒林計問俱為存陶栗里醇近董江都斗角
文星滄禺中齋月孤追思与班老拙後李彦堂下接王符

癸丑九月松府遣徐掾具舟再辟復謝免口號簡徐

采藥去柴荆周旋荷友生府中將命重月下返舟輕鸚鵡

籠無奈鷓鴣饕餮若鷲千山兩嶺鶴蕭洒歲華清

寄和伯雍中含兼簡其弟柏顏太祝

王父登青竹郎君謝紫微庭空駟馬卧日送一鷺飛躍冶
金俱爍韶山王自輝情親有仲氏辞禄亂前歸

續夢中詩

高閣俯通衢長垣帶碧梧風生捫虱論山對閣牛岳時世
常憂感神明或感孚鬢瓢果吾貸先擬澤焦枯

松府行鄉飲禮宗倅致書使枉招不果赴為寄一首

賢倅黃堂暇書函迨布衣義敦鄉飲酒禮過士拉新浦暖
鴈波澁園春藥草肥行過子游室就送長卿歸

松守王蒼厓遣儒職問候口號

宗長優為政勞賢問子乘入城節力短遐野漏聲長悵望
陳懸榻欣聞蓋舍堂宋織世或有五馬貫輝光

題柯博士敬仲宮詞後宮詞附

帝作奎章擬石渠花明長日幸鑿輿丹丘詞氣凌司馬封
禪何如諫獵書

萬國貢珍羅玉陛九賓傳贊卷朱簾大明前殿建初秩

中貴先陳祖訓嚴傳宣大府頒宮錦近侍承恩拜榻

前製得袍成天未曉著來香殿賀新年官家明日慶

生辰准備龍衣熨帖新奉御進呈先取旨隋珠錯落間

奇珍四海升平一舉無常象已散集諸儒傳宣群玉

看名畫先進開元納諫書天街女樂擁祥烟梵座春

游夾管弦齊望綵樓呼萬歲拓黃只在五雲邊黃金

幄殿戴前驅象背駝峰盡寶珠三十六宮齊上馬太平

清暑幸灤都萬里名王盡入朝法官置酒奏簫韶千

官一色真珠襖寶帶攢裝總稱腰玉盞調冰涌雪花

金絲纏線繡紅紗綵綵御製題端午勅送皇姑公主家

珠宮錫宴慶迎祥麗日初隨綵線長太史院官新進

曆榻前一賜諸王皇心簡注勳臣奮未有人知擬

拜除宣索彩綵濡玉筆榻前先命小臣書

古宮怨四首

萬年枝上月團圓一色珠衣立露寒獨有君王選認得扇

開雙尾簇紅鸞

十二瑤階入鳳臺梧花開盡鳳當來夜深不敢吹橫玉

月珠星繞上台

雨餘螢冷入秋衣織女星明婺女微二十五弦香殿裏一

聲二作鴈雙飛

誤報迎鑿出禁宮階前草是鴈來紅玉顏算就秋楮落萬

一和親在禁中

寄題穎上賈婦治惟敬所寓咏軒

五弦絕響二南衰歎息蘭芳幾黍離美尔不隨淮水化客
軒長咏考槃詩

凡作詩忌俗欲清忌熟欲生忌肉欲骨二去露生其性

清去薄本之六義然諸經史百氏詩道備矣予嘗以是
訓子弟今惟敬篤志于詩漫錄絕句後士之才者來游

軒中尚采擇焉

士女面為大同張履謙題二首

淺傳蜂黃澹掃眉小蜂平苑幾紉思落盡梅花折盡柳枝
因直管却橫吹

不字佳人玉氣温那知長信月過門分明畫是平生夢一

扇薰風一扇息

雜題

○七絕

○七絕

○七絕

泗塘昨夜綠波增偶策交州鬼面藤一雨百花香洗盡流

春石上立魚鷹紫桐生乳竹含胎草細花幽石徑回獨

自去來人不覺茶烟風颺過池臺几杖琴尊共一丘

燕歸巢近午香篝游絲不挂山人眼直送東風入別樓

越羅衫子暮春裁席帽飄蕭映水苔人事暗隨塵裏去

天光倒向鏡中開浴罷香分碧瓠瓜池臺深坐轉風車

不將鐵杖穿林過恐有月中金背蠶閒身自放石林

中退髮朝隨野水東猶有未灰心一寸小池量雨愧神功

長暇徐行野水滄蝦跳鯽舞樹交枝雲文風色殊千萬

靜裏天光日影隨紫艷薇花月晦真翠香荷葉露晶熒

偶因石几流螢過微見搖蚊一兩星變風交雅不面聞

茵桂申樹徧地芬一片古懷人不解竹光涼動九疑雲

榴房風折鞦韆屏開柿影離葉滿苔雞黍近無丘嫂作清

談初為阿戎來 水涼風撓一池荷 睡眼醒來手自摩 數
席雲陰亂踈越 髻絲驚鶴群過 歲晚無他靜是謀 幾
微詩興欲全休 雀銜竹葉風頭過 魚戴冰澌日影游 藻
池岸匝水仙開 滿面香飄玉疊梅 遺事罷書山館寂 鼠狼
行過雉雞來

蕉石士女為真定呂子敬稅使題

翠石已且競 爽清玉階綵 繚綺純聲佳人的 是姮娥影一
片團圓故園情

許由還山圖為李生守道題

不是長辭萬乘堯 還山高挂樹頭懸 九年百姓顛連苦 莫
過江鼉海蜃騎

山居雜題七首

白雲不歸青山空 女蘿水上挑陰紅 扁舟無事卧一覽 滿

梧溪集五

五五

雨春光如醉中 石窪明月手可抔 松林無風聲自流 山

人素志非懶出 白雲常在青雲頭 燈花滅明香散簾藤

子竊落秋風簷 詩書百氏束閣上 箕尾一星傳說騎 漢南

茶鐺無烟童未還 白鶴思靜青松間 流泉不放澤下土

日夜琴調鳴空山 野鹿角解山澗坳 老樵視如枯樹梢

雨中風瓢乞我挂 蒼以仙脯天厨肴 山翁了之玉匱文

客來掩耳事絕聞 咲拍丹霞與白石 酒材萬甕羊千群

偶從道士飲碧螺 手把桐角吹山歌 千壑萬谷響應吞 天

風黃鵠雙飛過

會朱克用嘗受知文宗于潛邸為說書後官千戶

荒茅苦竹兩江間 蹋馱輕車共伴還 老作孤臣重婦國 忍

聞神女度巫山 布衣染翰侍明光 時忌翻為執戟郎 家

是聖恩忘不得 誤題詩白滿宮牆

江邊竹枝詞有序

予童壯年輒聞里中山謳水調如遊鯉山高王客人之
白不一狗叫沙在蔡港西北歲產荻茅官為薄賦予家
公田頃半庚辰冬回取其入過嚴氏子恪甚秀敏得陪
游望沙与蝦蟇山鞋浦相連告以水調遂撫舊聞釐正
之得十首書遺恪云

游鯉客山高刺雲天門山小舊稱君插江鴛鼻移沙脉愁
殺浪撞黃歇墳配石呀聲大小湾石中無玉作連環

楚江風浪吳烟雨翠鎖脩眉八字山馬沙十八里江

程潮落潮生船送迎南來士氣漸吳習北下農謳變楚聲
社酒吹香新燕飛遊人裙幄占湾磯如刀江鱗白盈

尺不獨河純天下稀南北兩江朝暮潮即心不動妾
心搖馬沙少箇天燈塔暗雨烏風看作標北望大江

南望城席帽馬鞍紐山屏障橫儂是小山漁泊戶水口風

門過一生石竹橫津蛟莫窺近山張弩或眠旗儂作

神杉与神女祈水祈風郎不知巫子驚湍天下聞商

人望拜小龍若茹蘆草染榴紅紙好剪淩波十幅裙

潮落蟆山連狗沙黃泥鞋浦趁江斜阿儂十指年嬌小曾

比箇中春荻芽山望五狼風不導狼邊人接販私人

那得推狼葬天塹官賣賤益郎貴身

題首陳德星看

難弟難兄配八龍太立不讓朗陵崇誰知群或心忘漢不

及曹家阮嗣宗

時苗留犢畝為惟揚林彥初題

壽春父老送車音黃犇寧無舐愛心不是縣公沽激過建
安風氣異桃林

七絕
七絕
七絕

壬寅歲經時宰別第

柳烟花霧暖成團蜂蝶交飛滿畫闌舊主未歸新主入春
光都作夢中看

聞蛙書事有引

先朝不魯牢皇后出居東安州日其地多蛙既遣人諭
旨蛙遂屏息迄今不鳴

翠幃文茵紫巖車東安有旨禁鳴蛙如何信及豚魚類青
草閒門度月華

題王冕墨梅有引

冕會稽狂士少明經取科第不中遂放曠江海間士之
負村氣者爭與遊嘗羈牛游京城名貴咸側目平生嘗
畫梅有自題云冰花箇二團如玉羌笛吹他不下來
以是刺時欲執之一夕遁去

霜落銀河月在天美人松下鬪嬋娟一枝倒影吳牛角
比知章踏酒船

真氏女二首有序

牧庵姚承旨一日王堂宴集諸姬奏伎有真二者或作
南音問之泣曰女童建寧人西山之後也父嘗筮庫濟
寧坐償官負故粥為娼家息公惻然遣使白丞相三寶
奴命去教坊籍公遂呼翰林小史曰汝未婚以真女配
汝吾即其父也予友貝廷璠賦長詩意有宋是用補二絕
勞庫曾無升斗縻倡優臧獲到妻兒何由學士身千百不
著陽和獨見私

處妾茲晨洗艷容嫁承當代一儒宗斯文骨肉無疎遠何

得曹瞞反愛豔

梧溪集卷第五



